

17 мая 2020 года
НЕДЕЛЯ 5-я по ПАСХЕ,
О САМАРЯНЫНЕ

Последование всенощного бдения
для домашнего (келейного) совершения

ВЕЧЕРНЯ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертью смерть поправ и сущим во гробех живот даровав. Трижды.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

ПСАЛОМ 103

Стихи избранныи: Благословѣи, душѣ моя, Господа. / Благословѣн еси, Господи. / Господи, Бже мой, возвеличился еси зело. / Благословѣн еси, Господи. / Во исповѣдание и в велелѣпоту / облѣклся еси. Благословѣн еси, Господи. / Посредѣ гор прѣйдут воды. / Дѣвна делѣ Твоя, Господи. / Вся премудростию сотворѣл еси. / Слава Ти, Господи, сотворѣвшему вся.

Слава, и ныне:

Аллилуѣа, аллилуѣа, аллилуѣа, слава Тебѣ, Бже. **Трижды.**

Слава, и ныне:

Аллилуѣа, аллилуѣа, аллилуѣа, слава Тебѣ, Бже. **Трижды.**

Господи, помѣлуй. **12.**

Слава, и ныне:

Первая кафѣзма

Либо поем: Стихи избранныи:

Блажен муж, ѣже не ѣде на совет нечестѣвых. Аллилуѣа, **трижды.**

Яко вѣсть Господь путь праведных, и путь нечестѣвых погѣбнет. Аллилуѣа, **трижды.**

Работайте Господеву со страхом и радуйтесь Ему с трѣпетом. Аллилуѣа, **трижды.**

Блажѣни вси надѣющѣися Нань. Аллилуѣа, **трижды.**

Воскресни, Господи, спаси мя, Бже мой. Аллилуѣа, **трижды.**

Господне есть спасѣние, и на людех Твоѣх благословѣние Твое. Аллилуѣа, **трижды.**

Слава, и ныне: Аллилуѣа, аллилуѣа, аллилуѣа, слава Тебѣ, Бже. **Трижды.**

Господи, помѣлуй. **Трижды.**

Слава, и ныне:

Либо читаем: кафѣзму 1-ю (1-ю статью)

Псалом 1

Блажен муж, ѣже не ѣде на совет нечестѣвых и на пути грѣшных не ста, и на седѣлищи губѣтелей не седе, но в законѣ Господни воля его, и в законѣ Его поучѣтся день и ночь. И бѣдет яко древо насажденное при исходѣщих вод, ѣже плод свой даст во время свое, и лист его не отпадѣт, и вся, елика аще творѣт, успѣет. Не тако нечестѣвию, не тако, но яко прах, егоже

возметает ветер от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

Псалом 2

Вскую шаташася языцы, и людие поучишася тщетным? Предсташа царие земстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сионом, горю святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достойные Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумейте, накажитесь вси судящие земли. Работайте Господеви со страхом и радуйтеся Ему с трепетом. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиеся Нань.

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Господи, помилуй. **Трижды.**

Слава, и ныне:

И абие

ГОСПОДИ, ВОЗВАХ, ГЛАС 4-Й.

Господи, возвах к Тебе, услыши мя. Услыши мя, Господи.

Господи, возвах к Тебе, услыши мя: вонми гласу моления моего, внегда возвати ми к Тебе. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

(в приходской практике пропускается до стихир) : Положи, Господи, хранение устам моим, и дверь ограждения о устах моих. Не уклони сердце мое в словеса лукавствия, непщевати вины о гресех, с человеки делующими беззаконие, и не сочтуса со избранными их. Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголы мой, яко возмогоса. Яко толща земли проседеса на земли, расточиса кости их при аде. Яко к Тебе, Господи, Господи, очи мой: на Тя уповах, не отыми душу мою. Сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже преиду.

Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возвещу. Внегда исчезати от мене духу моему: и Ты познал еси стези моя: на пути сем, по немуже хождях, скривша сеть мне. Смотрях одесную и взглядах, и не бе знай мене: погйбе бегство от мене, и несть взыскай душу мою. Возвах к Тебе, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укреписа паче мене.

Стихиры воскресные, глас 4

На 10: Изведи из темницы душу мою, // исповедатися имени Твоему.

Животворящему Твоему Кресту, / непрестанно кланяющеся, Христе Бже, / тридневное Воскресение Твое славим: / тем бо обновил еси ислевшее человеческое естество, Всесильне, / и иже на Небеса восход обновил еси нам, // яко Един Благ и Человеколюбец.

Мене ждут праведницы, // дондеже воздаси мне.

Древа преслушания запрещение / разрешил еси, Спасе, / на древе крестнем волею пригвоздився, / и во ад сошед, Сильне, / смертныя узы, яко Бог, растерзал еси. / Темже кланяемса еже из мертвых Твоему Воскресению, / радостию вопиюще: // Всесильне Господи, слава Тебе.

На 8: Из глубины возвах к Тебе, Господи, // Господи, услыши глас мой.

Врата ада сокрушил еси, Господи, / и Твоею смертию смертное царство разрушил еси: / род же человеческий от исления свободил еси, / живот и нетление миру даровав, // и велию милость.

Да будут уши Твои // внимлюще гласу моления моего.

Приидите, воспойм людие, / Спасово тридневное востание, / иже избавихомса адовых нерешимых уз; / и нетление и жизнь вси восприяхом

зовуще:/ Распныйся, и Погребыйся, и Воскресый,/ спаси ны Воскресением Твоим,// Едине Человеколюбче.

Стихиры Преполовения, глас 4, подобен: «Господи, возшед на Крест...»:

На 6: Аще беззакония назириши, Господи, Господи, кто постоит? Яко у Тебе очищение есть.

Наста преполовение дней,/ от спасительного начинаемых востания,/ Пятидесятницею же Божественною печатаемое,/ и светится светлости обоюду имущее, и соединяющее обоя,/ и приити славе предъявляющее,// Владычняго Вознесения предпочитает.

Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Слыша и возвеселися Сион,/ благовестившуся Христову Воскресению:/ вернии же его сынове возрадовашася Сего видевше,/ и омывающа Духом скверну христоубийства:/ готовится торжествующи,// обоих веселое преполовение.

На 4: От стражи утренния до ноци, от стражи утренния да уповает Израиль на Господа.

Приблизися Божественного избыльное излитие на всех,/ якоже написася, Духа: предузаконение проповедует преполовившееся,/ по Христове смерти и погребении и Воскресении,/ от Него данну сущу учеником, неложному обещанию,// Утешителево показующу явление.

Стихиры Триоди (самарянины), глас 1:

Яко у Господа милость, и многое у Него избавление, и Той избавит Израиля от всех беззаконий его.

На источник пришел еси,/ источниче чудес, в шестый час,/ Евин уловити плод:/ Ева бо в той изыде из рая, прелестию змиевою./ Приблизь бо ся самарянина почерпсти воду,/ юже виде в рече Спас:/ даждь Ми воду пити,/ и аз воды текущая насыщу тя./ И во град текши целомудренная,/ народом возвести абие:/ приидите видите Христа Господа,// Спаса душ наших.

Глас 2:

На 2: Хвалите Господа вси языцы, похвалите Его вси людие.

На студенец яко прииде Господь,/ самарянина моляше Благоутробнаго:/ подаждь ми воду веры,/ и приму купельныя воды,/

радование и избавление.// Животодавче Господи, слава Тебе.

Яко утвердися милость Его на нас, и истина Господня пребывает во век.

Собезначальный и соприносущный Сын и Слово Отчее,/ на источник прииде, источник исцелений,/ и жена от Самарии прииде почерпсти воду./ Юже видево рече Спас:/ даждь Ми воду пити,/ и шедши пригласи твоего мужа./ Она же яко Человеку глаголющи, а не Богу,/ утайти тщашеся,/ глаголаше: не имам мужа./ И Учитель к ней:/ истину рекла еси, не имам мужа:/ пять бо имела еси, и ныне егже имаша, несть твой муж./ Она же о глаголе удивившись,/ и во град текши, народом вопияше, глаголющи:/ приидите видите Христа,// Иже дарует миру велию милость.

Слава, глас 6:

При студенце Иаковли/ обрет Иисус самаряныню,/ просит воду от нея,/ облаками покрываяй землю./ О чудесе! Иже херувимы носимый,/ блуднице жену беседоваше,/ воду прося, Иже на водах землю повесивый./ Воды иский, Иже источники и езера вод изливаяй,/ хотя привлеци сию воистинну,/ уловляему от сопостата врага,/ и напоити ю водою живою,/ палимую в безместных люте,// яко един Благоутробный и Человеколюбец.

И ныне, Богородичен догматик, глас 4:

Иже Тебе ради, богоотец пророк Давид,/ песенно о Тебе провозгласи,/ величия Тебе сотворшему:/ предста Царица одесную Тебе./ Ты бо Матерь, ходатаицу живота покажи,/ без Отца из Тебе вочеловечитися благоволивый Бог:/ да Свой паки обновит образ, истлевший страстьми,/ и заблудшее горохищное обрет овча,/ на рамо восприим, ко Отцу принесет,/ и Своему хотению, с небесными совокупит силами,/ и спасет Богородице мир,// Христос имеяй велию и богатую милость.

Свете тихий

Свете тихий святых славы, Безсмертного, Отца Небесного, Святого Блаженного, Иисусе Христе. Пришедше на запад солнца, видево свет вечерний, поем Отца, Сына и Святого Духа, Бога. Достойн еси во вся времена пет быти гласы преподобными, Сыне Божий, живот дай, темже мир Ты славит.

ПРОКЇМЕН, ГЛАС 6:

Господь воцарися, в лепоту облечеса.

Стих: Облечеса Господь в силу и препоясася.

Господь воцарися, в лепоту облечеса.

Стих: Ибо утверди вселенную, яже не подвижится.

Господь воцарися, в лепоту облечеса.

Стих: Дому Твоему подобает святыня, Господи, в долготу дней.

Господь воцарися, в лепоту облечеса.

Господи, помилуй. 40.

Слава, и ныне:

СПОДОБИ, ГОСПОДИ

Сподоби, Господи, в вечер сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Господи, помилуй. 12.

Слава, и ныне:

СТИХИРЫ НА ЛИТИИ:

Стихира храма (в домашних условиях она пропускается), затем:

Слава, и ныне (самарянини), глас 3:

**Да радуется днесь светло небо и земля,/ зане Христос явися
воплощаемь яко Человек,/ да Адама измет от клятвы всеродных,/ и
удивляется чудесы Самарию пришед:/ жене же предста воды прося,/
облаки водами одевая./ Темже вси вернии поклоняемся/ нас ради
волею обнищавшему, // благоутробным советом.**

Господи, помилуй. 40.

Слава, и ныне:

СТИХИРЫ НА СТИХОВНЕ:

Стихира воскресная, глас 4:

Господи, восшѣд на Крест,/ прѣдѣдную нашу клятву потребил еси,/ и сошѣд во ад,/ вѣчныя узники свободил еси,/ нетлѣние даруя человѣческому роду,/ сегó ради поюще славим// Животворящее и Спасительное Твое Востание.

Стихиры Пасхи, глас 5.

Стих: Да воскреснет Бог,/ и расточатся врази Его.

Пасха/ священная нам днесь показася;/ Пасха нова святая;/ Пасха таинственная;/ Пасха всечестная./ Пасха Христос Избавитель;/ Пасха непорочная;/ Пасха великая;/ Пасха верных./ Пасха двери райския нам отверзающая.// Пасха всех освящающая верных.

Стих: Яко исчезает дым,/ да исчезнут.

Приидите/ от видения жены благовѣстницы,/ и Сиону рцѣте:/ примите/ от нас радости благовѣщения, Воскресения Христова:/ красуйся, ликуй/ и радуйся, Иерусалиме,/ Царя Христа узрев из гроба,// яко жениха происходяща.

Стих: Тако да погибнут грѣшницы от Лица Божия,/ а праведницы да возвеселятся.

Мирносицы жены,/ утру глубокоу,/ представша гробу Живодавца,/ обретоша Ангела/ на камени сидяща,/ и той провещав им,/ сѣце глаголаше:/ что ищите Живаго с мертвыми;/ что плачете Нетленного во тли?// Шѣдше, проповѣдите учеником Его.

Стих: Сей день, егóже сотвори Господь,/ возрадуемся и возвеселимся в оны.

Пасха красная,/ Пасха, Господня Пасха!/ Пасха всечестная/ нам возсия. Пасха,/ радостию друг друга обымем./ О Пасха!/ Избавление скорби,/ ибо из гроба днесь,/ яко от чертога/ возсияв Христос,/ жены радости исполни, глаголя:/ проповѣдите апостолом.

Слава, стихира праздника, глас 8:

Егда явился еси во плоти, Христѣ Бóже,/ за неизреченное смотрѣние,/ слышавши самарянина слово Тебѣ, Человеколюбца,/ остави почерпало у студенца,/ и течѣ глаголющи сущим во граде:/ приидите видите Сердцевѣдца,/ еда Сей есть чаемый Христос,// имѣяй велию

мíлость?

И ны́не, стихира Пасхи, глас 5.

Воскресѣния день,/ и просветѣмся торжеством,/ и друг друга обѣмем./ Рцем брѣтие,/ и ненавѣдящим нас,/ простѣм вся Воскресѣнием,/ и тако возопѣем:/ Христос воскресе из мѣртвых,/ смѣртию смерть поправ,// и сущим во гробѣх живѣт даровав.

Молитва святаго Симеона Богоприимца

Ны́не отпуща́еши раба Твоего, Влады́ко, по глаго́лу Твоему́ с мѣром: я́ко видѣста о́чи мой спасѣние Твое, е́же еси́ уготовал пред лицѣм всех люде́й, свет во откровѣние языков, и сла́ву люде́й Твои́х Изра́иля.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.

Пресвята́я Трѣице, поми́луй нас: Го́споди, очѣисти грехѣ́и на́ша; Влады́ко, прости́ беззако́нѣи на́ша; Святы́й, посети́ и исцѣли́ немо́щи на́ша, имене Твоего́ ра́ди.

Го́споди, поми́луй. Трижды.

Сла́ва, и ны́не:

О́тче наш, И́же еси́ на Небесе́х, да святѣ́тся и́мя Твое́, да приѣдет Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Богороди́це Де́во, ра́дуйся, Благода́тная Мари́е, Госпо́дь с Тобо́ю; благослове́нна Ты в жена́х, и благослове́н Плод чре́ва Твоего́, я́ко Спа́са родила́ еси́ душ на́ших. Трижды

Бу́ди И́мя Госпо́дне благослове́но от ны́не и до ве́ка. Трижды.

Та́же псалом 33:

Благословлю́ Го́спода на всякое вре́мя, вѣ́ну хвала́ Его́ во устѣх мои́х. О Го́споде похва́лится душа́ моя́, да услы́шат кро́тцыи и возвеселя́тся. Возвели́чите Го́спода со мно́ю и вознесѣ́м и́мя Его́ вку́пе. Взыска́х Го́спода и

услы́ша мя, и от всех скорбе́й мо́их изба́ви мя. Приступите́ к Немú и просветите́ся, и лица́ ва́ша не посты́дятся. Сей ни́щий воззва́, и Госпо́дь услы́ша ѱ, и от всех скорбе́й его́ спасе́ ѱ. Ополчи́тся А́нгел Госпо́день о́крест боя́щихся Его́, и изба́вит их. Вкуси́те и ви́дите, я́ко благ Госпо́дь; блаже́н муж, и́же упова́ет Нань. Бо́йтеся Го́спода, вси святи́и Его́, я́ко несть лиш́ения боя́щимся Его́. Богáтии обнища́ша и взалка́ша, взыска́ющии же Го́спода не лиш́аются вся́каго бла́га.

УТРЕНЯ

Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в. Трижды.

ШЕСТОПСАЛМИЕ

Сла́ва в ви́шних Бо́гу, и на землі́ мир, в челове́цах благоволе́ние. Трижды.

Го́споди, устне́ мой отве́рзеши, и уста́ моя́ возвестя́т хвалу́ Твою́. Дважды.

Псалом 3

Го́споди, что ся умно́жиша стужа́ющии ми́? Мнóзи встаю́т на мя, мнóзи глаго́лют души́ мое́й: несть спасе́ния е́му в Бо́зе его́. Ты же, Го́споди, Засту́пник мой еси́, сла́ва моя́ и вознося́й главу́ мою́. Гла́сом мо́им ко Го́споду воззва́х, и услы́ша мя от горы́ свята́я Своея́. Аз усну́х, и спях, воста́х, я́ко Госпо́дь заступит́ мя. Не убою́ся от тем люде́й, о́крест напада́ющих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми́ всúе: зу́бы грешни́ков сокруши́л еси́. Госпо́дне есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, я́ко Госпо́дь заступит́ мя.

Псалом 37

Го́споди, да не я́ростию Твое́ю обличи́ши мене́, ниже́ гне́вом Твои́м нака́жеши мене́. Я́ко стрéлы Твоя́ унзо́ша во мне, и утверди́л еси́ на мене́ ру́ку Твою́. Несть исцеле́ния в плóти мое́й от лица́ гне́ва Твоего́, несть ми́ра в костéх мо́их от лица́ грех мо́их. Я́ко беззакóния моя́ превзыдо́ша главу́ мою́, я́ко брeмя тяжкое́ отяготéша на мене́. Возсмердéша и согни́ша раны́ моя́ от лица́ безúмия моего́. Пострада́х и сляко́хся до конца́, весь день сeтуя́ хождáх. Я́ко лядвия́ моя́ напо́лнишася поругáний, и несть исцеле́ния в плóти мое́й. Озло́блен бых и смири́хся до зела́, рыка́х от воздыхáния сeрдца моего́. Го́споди, пред Тобóю все желáние моё́ и воздыхáние моё́ от Тебе́ не утайся. Сeрдце моё́ смятeся, оста́ви мя си́ла моя́, и свет о́чию мое́ю, и той

несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущи души мою, и ищущи злая мне глаголаху суетная и льстивным весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножишася ненавидящи мя без правды. Воздающи ми злая возлагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явяхся Тебе, видети силу Твою и славу Твою. Яко лучши милость Твоя паче живот, устне мой похвалите Тя. Тако благословлю Тя в животе моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуиа, аллилуиа, аллилуиа, слава Тебе Боже. Трижды, без поклонов.

Господи помилуй. Трижды.

Слава, и ныне:

Псалом 87

Господи Боже спасения моего, во дни возвах, и в нощи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гневи Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах, и в нощи пред Тобою. Да внидет пред Тя молитва моя: приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от исления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказа пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся

Егó, и прáвда Егó на сынéх сынóв, храня́щих завет Егó, и по́мнящих за́поведи Егó творíти я́. Господь на Небесí угото́ва Престо́л Свой, и Ца́рство Егó все́ми облада́ет. Благослови́те Го́спода вси А́нгели Егó, си́льнии крéпостию, творя́щие сло́во Егó, услы́шати глас словéс Егó. Благослови́те Го́спода вся Сíлы Егó, слугí Егó, творя́щие во́лю Егó. Благослови́те Го́спода вся дела́ Егó, на вся́ком мéсте влады́чества Егó, благослови́, душé моя́, Го́спода.

На вся́ком мéсте влады́чества Егó, благослови́, душé моя́, Го́спода.

Псалом 142

Го́споди, услы́ши моли́тву мою́, внуши́ моле́ние моё во и́стине Твое́й, услы́ши мя в прáвде Твое́й и не вни́ди в суд с рабо́м Твои́м, я́ко не оправди́тся пред Тобо́ю всяк живы́й. Я́ко погна́ враг ду́шу мою́, смири́л есть в зéмлю живóт мой, посади́л мя есть в тёмных, я́ко мёртвыя вéка. И уны́ во мне дух мой, во мне смятёся сёрдце моё. Помяну́х дни дрéвния, поучи́хся во всех дéлех Твои́х, в творéниях руку́ Твое́ю поуча́хся. Воздéх к Тебé рúце мой, душá моя́, я́ко земля́ безводная Тебé. Ско́ро услы́ши мя, Го́споди, исчезé дух мой, не отврати́ лица́ Твоегó от мене́, и уподóблюся низходя́щим в ров. Слы́шану сотвори́ мне за́втра мiлость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебé взях ду́шу мою́. Изми́ мя от враг мои́х, Го́споди, к Тебé прибего́х. Научи́ мя творíти во́лю Твою́, я́ко Ты еси́ Бог мой. Дух Твой Благíй наста́вит мя на зéмлю прáву. Имене́ Твоегó ра́ди, Го́споди, живи́ши мя, прáвдою Твое́ю изведéши от печáли ду́шу мою́. И мiлостию Твое́ю потреби́ши враги́ моя́ и погуби́ши вся стужáющыя души́ моёй, я́ко аз раб Твой есмь.

Услы́ши мя, Го́споди, в прáвде Твое́й и не вни́ди в суд с рабо́м Твои́м.

Услы́ши мя, Го́споди, в прáвде Твое́й и не вни́ди в суд с рабо́м Твои́м.

Дух Твой Благíй наста́вит мя на зéмлю прáву.

Сла́ва, и ны́не:

Аллилу́иа, аллилу́иа, аллилу́иа, сла́ва Тебé, Бо́же. Трижды.

Го́споди, помíлуй. 12.

Сла́ва, и ны́не:

БОГ ГОСПО́ДЬ И ТРОПАРИ́

Глас 4:

Бог Госпо́дь и яви́ся нам, благословéн Гряды́й во и́мя Госпо́дне.

Стих: Испове́дайтесь Го́сподеви, я́ко благ, я́ко в век мiлость Егó.

Бог Господь и явися нам, благословен Грядый во имя Господне.

Стих: Обышедше обыдоша мя и именем Господним противляхся им.

Бог Господь и явися нам, благословен Грядый во имя Господне.

Стих: Не умру, но жив буду и повею дела Господня.

Бог Господь и явися нам, благословен Грядый во имя Господне.

Стих: Камень, Егже небрегоша зидущии, Сей бысть во главу угла, от Господа бысть Сей и есть дивен во очесех наших.

Бог Господь и явися нам, благословен Грядый во имя Господне.

ТРОПАРЬ ВОСКРЕСНЫЙ, ГЛАС 4:

Светлую Воскресения проповедь/ от Ангела уведевша Господни ученицы/ и прадеднее осуждение отвергша,/ апостолом хвлящаяся глаголаху:/ испровержесе смерть,/ воскресе Христос Бог,// даруяй миру велию милость. (Дважды)

Слава, и ныне:

Тропарь Преполовления, глас 8:

Преполовившуся празднику,/ жаждущую душу мою благочестия напои водами,/ яко всем, Спасе, возопил еси:/ жаждай да грядет ко Мне и да пьет.// Источниче жизни нашея, Христэ Бже, слава Тебе.

КАФИЗМЫ И СЕДАЛЬНЫ

Господи, помилуй. Трижды

Слава, и ныне:

И чтем кафисму 2-ю (или один псалом, или до 1-й Славы)

Псалом 9

Исповемя Тебе, Господи, всем сердцем моим, повею вся чудеса Твоя. Возвеселюся и возрадуяся о Тебе, пою имени Твоему, Вышний. Внегда возвратится врагу моему вспять, изнемогут и погибнут от лица Твоего. Яко сотворил еси суд мой и прю мою, сел еси на Престоле, судяй правду. Запретил еси языком, и погйбе нечестивый, имя его потребил еси в век и в век века. Врагу оскудеша оружия в конец, и грады разрушил еси, погйбе память его с шумом. И Господь во век пребывает, уготова на суд престол Свой, и Той судити иматъ вселенней в правду, судити иматъ людем в правоте. И бысть Господь прибежище убогому, помощник во

благовремениих, в скорбех. И да уповают на Тя знающии имя Твое, яко не оставил еси взыскающих Тя, Господи. Пойте Господеви, живущему в Сионе, возвестите во языцех начинания Его, яко взыскаая крови их помяну, не забы звания убогих. Помилуй мя, Господи, виждь смирение мое от враг моих, возносая мя от врат смертных, Яко да возвещу вся хвалы Твоя во вратах дочери Сиони, возрадуемся о спасении Твоем. Углубоша языцы в пагубе, юже сотвориша, в сети сей, юже скривша, увязе нога их. Знаемь есть Господь судьбы творяй, в делах руку своюю увязе грешник. Да возвратятся грешницы во ад, вси языцы забывающии Бога. Яко не до конца забвен будет нищий, терпение убогих не погибнет до конца. Воскресни, Господи, да не крепится человек, да судятся языцы пред Тобою. Постави, Господи, законоположителя над ними, да разумют языцы, яко человецы суть. Вскую, Господи, отстоя далече, презираеши во благовремениих, в скорбех? Внегда гордиться нечестивому, возгарается нищий, увязают в советех, яже помышляют. Яко хвалимь есть грешный в похотех души своея, и обидяй благословимь есть. Раздражи Господа грешный, по множеству гнева своего не взыщет, несть Бога пред ним. Оскверняются пути его на всяко время, отъемлются судьбы Твоя от лица его, всеми враги своими обладает. Рече бо в сердце своем, не подвижуся от рода в род без зла, ебоже клятвы уста его полна суть, и горести и лести, под языком его труд и болезнь. Приседит в ловительстве с богатыми в тайных, еже убить неповиннаго, очи его на нищаго призираете. Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и. В сети своей смирит его, преклонится и падет, внегда ему обладати убогими. Рече бо в сердце своем: забы Бог, отврати лице Свое, да не видит до конца. Воскресни, Господи Боже мой, да вознесется рука Твоя, не забуди убогих Твоих до конца. Чесо ради прогнева нечестивый Бога? Рече бо в сердце своем: не взыщет. Видиши, яко Ты болезнь и ярость смотриеши, да предан будет в рuce Твои, Тебе оставлен есть нищий, сиру Ты буди помощник. Сокруши мышцу грешному и лукавому, взыщется грех его и не обрящется. Господь Царь во век и в век века, погибнете, языцы, от земли Его. Желание убогих услышал еси, Господи, уготованию сердца их внят ухо Твое. Суди сиру и смирену, да не приложит ктому величатися человек на земли.

Псалом 10

На Господа уповах, како речете души моей: превитай по горам, яко птица? Яко се, грешницы налякоша лук, уготоваша стрелы в туле, состреляти во мrance правыя сердцем. Зане яже Ты совершил еси, они разрушиша, праведник же что сотвори? Господь во храме святем Своем. Господь, на небеси престол Его, очи Его на нищаго призираете, вежди Его испытаете

сыны человеческия. Господь испытает праведнаго и нечестиваго, любяй же неправду ненавидит свою душу. Ождит на грешники сети, огонь и жупел, и дух бурен часть чаши их. Яко праведен Господь, и правды возлюбил, правоты виде лице Его.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 3.

Слава, и ныне:

Псалом 11

Спаси мя, Господи, яко оскуде преподобный, яко умалишася истины от сынов человеческих. Суетная глагола кийждо ко искреннему своему, устне льстивыя в сердце, и в сердце глаголаша злая. Потребит Господь вся устны льстивыя, язык велеречивый, рекшыя: язык наш возвеличим, устны наша при нас суть, кто нам Господь есть? Страсти ради нищих и воздыхания убогих ныне воскресну, глаголет Господь, положуся во спасение, не обинюся о нем. Словеса Господня словеса чиста, серебро разжжено, искушено земли, очищено седмерицею. Ты, Господи, сохраниши ны и соблюдеши ны от рода сего и во век. Окрест нечестивии ходят, по высоте Твоей умножил еси сыны человеческия.

Псалом 12

Докле, Господи, забудеши мя до конца? Докле отвращаеши лице Твое от мене? Докле положу советы в души моей, болезни в сердце моем день и ночь? Докле вознесется враг мой на мя? Призри, услыши мя, Господи Боже мой, просвети очи мои, да не когда усну в смерть, да не когда речет враг мой, укрепихся на него. Стужающие ми возрадуются, аще подвижуся. Аз же на милость Твою уповах, возрадуется сердце мое о спасении Твоем, воспою Господеви благодеявшему мне и пою имени Господа Вышняго.

Псалом 13

Рече безумен в сердце своем: несть Бог. Раствлеша и омерзшася в начинаниих, несть творяй благостыню. Господь с небесе приниче на сыны человеческия, видети, аще есть разумевай или взыскай Бога. Всеи уклоншася, вкупе неключими быша: несть творяй благостыню, несть до единого. Ни ли уразумеют все делающие беззаконие, снedaющие люди моя в снedy хлеба? Господа не призваша. Тамо убояшася страха, идеже не бе страх, яко Господь в роде праведных. Совет нищаго посрамите, Господь

же упование его есть. Кто даст от Сиона спасение Израилево? 8 Внегда возвратит Господь пленение людей Своих, возрадуется Иаков, и возвеселится Израиль.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 3.

Слава, и ныне:

Псалом 14

Господи, кто обитает в жилищи Твоём? Или кто вселится во святую гору Твою? Ходяй непорочен и делаяй правду, глаголяй истину в сердце своём. Иже не ульсти языком своим и не сотвори искреннему своему зла, и поношения не прият на ближних своя. Уничжен есть пред ним лукавнуй, боящия же ся Господа славит, кленыйся искреннему своему и не отменяся. Сребра своего не даде в лихву и мзды на неповинных не прият. Творяй сия не подвижится во век.

Псалом 15

Сохрани мя, Господи, яко на Тя уповах. Рех Господеви: Господь мой еси Ты, яко благих моих не требуеши. Святым, иже суть на земли Его, удивил Господь вся хотения Своя в них. Умножишася немощи их, по сих ускориша: не соберу соборы их от кровей, ни помяну же имен их устнами моима. Господь часть достояния моего и чаши моея, Ты еси устраяяй достояние мое мне. Ужя нападеша ми в державных моих, ибо достояние мое державно есть мне. Благословлю Господа, вразумившаго мя, ещё же и до нощи наказаша мя утробы моя. Предзрех Господа предо мною вину, яко одесную мене есть, да не подвижуся. Сего ради возвеселися сердце мое, и возрадовася язык мой, ещё же и плоть моя вселится на уповании. Яко не оставиши душу мою во аде, ниже даси преподобному Твоему видети истления. Сказал ми еси пути живота, исполниши мя веселия с лицом Твоим, красота в деснице Твоей в конец.

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретеса во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя.

Удивіи мѣлости Твоя, спасаѣя уповающыя на Тя от противящихся деснице Твоеѣ. Сохрани мя, Господи, яко зѣницу ока, в крове крилу Твоею покрѣши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгонящи мя ныне обидоша мя, очи свой возложиша уклонити на землю. Объяша мя яко лев готов на лов и яко скимен обитая в тайных. Воскресни, Господи, предвари я и загни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоеѣ.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

По кафисме седальны, глас 4:

Возрѣвше на гробный вход, / и пламене ангельскаго не терпяще мирносицы, / с трепетом дивляхуся, глаголюще: / еда украдеса, отвѣрзый разбойнику рай? / Еда ли воста, Иже и прежде страсти проповѣдавый востание? / Воистинну воскресе Христос, // сущим во аде подая живот и воскресение.

Стих: Воскресни Господи Боже мой, да вознесѣтся рука Твоя, / не забуди убогих Твоих до конца.

Воскрѣсл еси яко безсмертный, от гроба, Спасе, / совоздвигл еси мир Твой силою Твоею, Христѣ Боже наш, / сокрушил еси в крепости смерти державу, / показал, Милостиве, Воскресение всем. // Темже Тя и славим, еди́не Человеколю́бче.

Слава Отцу и Сыну и Святому Духу и ныне и присно и во веки веков. **Аминь.**

Еже от века утаеное, / и ангелом несведомое таинство, / Тобою, Богородице, сущим на земли явися Бог, / в неслитном соединении воплощаемь, / и Крест волею нас ради восприим, / имже воскресив первозданнаго, // спасе от смерти души наша.

Господи, помилуй. **3.**

Слава, и ныне:

И чтем кафѣсму 3-ю (или один псалом, или до 1-й Славы)**Псалом 17:**

Возлюблю Тя, Господи, крепосте моя. Господь утверждение мое, и прибежище мое, и Избавитель Мой, Бог мой, Помощник мой, и уповаю на Него, Защититель мой, и рог спасения моего, и Заступник мой. Хваля призову Господа и от враг моих спасуся. Одержаша мя болезни смертные, и потоцы беззакония смятоша мя, болезни адовы обидоша мя, предварisha мя сети смертные. И внемгда скорбети ми, призвах Господа, и к Богу моему возвах, услыша от храма Святаго Своего глас мой, и вопль мой пред Ним внидет во уши Его. И подвижется, и трепетна бысть земля, и основания гор смятошася и подвигошася, яко прогнеवासя на ня Бог. Взыде дым гневом Его, и огонь от лица Его воспламенится, углие возгореся от Него. И приклони небеса, и сниде, и мрак под ногами Его. И взыде на Херувимы, и лете, лете на крилу ветреню. И положи тму закров Свой, окрест Его селение Его, темна вода во облацех воздушных. От облистания пред Ним облацы проидоша, град и углие огненное. И возгреме с Небес Господь и Вышний даде глас Свой. Низпосла стрелы и разгна я, и молнии умножи и смяте я. И явishася источницы водни, и открьшася основания вселенныя, от запрещеня Твоего, Господи, от дохновения духа гнева Твоего. Низпосла с высоты, и прият мя, восприят мя от вод многих. Избавит мя от врагов моих сильных и от ненавидящих мя, яко утвердишася паче мене. Предварisha мя в день озлобления моего, и бысть Господь утверждение мое. И изведе мя на широту, избавит мя, яко восхотел мя. И воздаст ми Господь по правде моей и по чистоте руку моею воздаст ми. Яко сохраних пути Господни и не нечествовах от Бога моего. Яко вся судьбы Его предо мною и оправдания Его не отступisha от мене. И буду непорочен с Ним, и сохранюся от беззакония моего. И воздаст ми Господь по правде моей и по чистоте руку моею пред очима Его. С преподобным преподобен будеши, и с мужем повинным повинен будеши, и со избранным избран будеши, и со строптивым развратишися. Яко Ты люди смиренныя спасеши и очи гордых смириши. Яко Ты просветиши светильник мой, Господи, Боже мой, просветиши тму мою. Яко Тобою избавлюся от искушения и Богом моим преиду стену. Бог мой, непорочен путь Его, словеса Господня разжжена, Защититель есть всех уповающих на Него. Яко кто бог, разве Господа? или кто бог, разве Бога нашего? Бог препоясуяй мя силою, и положи непорочен путь мой. Совершаяй ноге мой, яко елени, и на высоких поставляяй мя. Научаяй руке мой на брань, и положи еси лук медян мышца моя. И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. Уширил еси стопы

моя подо мною, и не изнемогосте плесне моя. Пожену враги моя, и постигну я, и не возвращуся, дондеже скончаются. Оскорблю их, и не возмогут стати, падут под ногами моима. И препоясал мя еси силою на брань, спял еси вся востающыя на мя под мя. И врагов моих дал ми еси хребет, и ненавидящыя мя потребил еси. Возваша, и не бе спасаая: ко Господу, и не услыша их. И истню я яко прах пред лицом ветра, яко брение путей поглажду я. Избавиши мя от пререkania людей, поставиши мя во главу языков. Людие, ихже не ведех, работаша ми. В слух уха послушаша мя. Сынове чуждии солгаша ми. Сынове чуждии обетшаша и охромаша от стезь своих. Жив Господь, и благословен Бог, и да вознесется Бог спасения моего. Бог дай отмщение мне и покоривый люди под мя. Избавитель мой от враг моих гневливых, от востающих на мя вознеси мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяя спасения царева, и творяя милость христу Своему Давиду, и семени его до века.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 3.

Слава, и ныне:

Псалом 18:

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Своё, и Той, яко Жених исходяй от чертога Своего, возрадуется, яко Исполн теши путь. От края небесе исход Его, и сретение Его до края небесе, и несть иже укрывается теплоты Его. Закон Господень непорочен, обращая души, свидетельство Господне верно, умудряющее младенцы. Оправдания Господня права, веселящая сердце, заповедь Господня светла, просвещающая очи. Страх Господень чист, пребывая в век века: судьбы Господни истинны, оправданы вкупе, вожделенны паче злата и камене честна многа, и слаждша паче меда и сота. Ибо раб Твой хранит я, вегда сохранить я, воздаяние много. Грехопадения кто разумет? От тайных моих очисти мя, и от чуждых пощадь раба Твоего, аще не обладают мною, тогда непорочен буду и очищуся от греха велика. И будут во благоволение словеса уст моих, и поучение сердца моего пред Тобю вину, Господи, Помощниче мой и Избавителю мой.

Псалом 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь Христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востахом и исправихомся. Господи, спаси царя и услыши ны, воньже аще день призовём Тя.

Псалом 20:

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятет я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоём и поём силы Твоя.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

Псалом 21:

Боже, Боже мой, вонми ми, вскую оставил мя еси? Далече от спасения моего словеса грехопадений моих. Боже мой, воззову во дни, и не услышиши, и в ночи, и не в безумие мне. Ты же во Святом живёши, хвало Израилева. На Тя уповаша отцы наши, уповаша и избавил еси я. К Тебе воззваша, и спасошася, на Тя уповаша, и не постыдешася. Аз же есмь червь,

а не человек, поношение человек и унижение людей. Все видящие меня поруга́ша ми ся, глаго́лаша устна́ми, покива́ша главо́ю: упова́ на Го́спода, да изба́вит его́, да спасе́т его́, я́ко хо́щет его́. Я́ко Ты еси́ исто́ргий мя из чре́ва, упова́ние моё от сосцу́ ма́тере моея́. К Тебе́ приве́ржен есмь от ложе́сн, от чре́ва ма́тере моея́ Бог мой еси́ Ты. Да не отсту́пиши от мене́, я́ко скорбь близ, я́ко несть помога́й ми. Обыдо́ша мя тельцы́ мно́зи, юнцы́ ту́чнии одержа́ша мя. Отверзо́ша на мя уста́ своя́, я́ко лев восхища́й и рыка́й. Я́ко вода́ изли́хся, и разсы́пашася вся ко́сти моя́, бысть се́рдце моё́ я́ко воск, та́йя посреде́ чре́ва моего́. И́зсше я́ко скуде́ль кре́пость моя́, и язы́к мой прильпе́ горта́ни моему́, и в персть сме́рти свел мя еси́. Я́ко обыдо́ша мя пси мно́зи, сонм лука́вых одержа́ша мя, ископа́ша ру́це мой и но́зе мой. Исчета́ша вся ко́сти моя́, тии же смотре́ша и презре́ша мя. Раздели́ша ри́зы моя́ себе́, и о оде́жди мое́й мета́ша жре́бий. Ты же, Го́споди, не удали́ по́мощь Твою́ от мене́, на заступле́ние моё́ вонми́. Изба́ви от ору́жия ду́шу мою́, и из руки́ пе́сии единоро́дную мою́. Спаси́ мя от уст льво́вых и от рог единоро́жь смире́ние моё́. Повём́ и́мя Твое́ бра́тии мое́й, посреде́ це́ркве воспою́ Тя. Бо́ящиеся Го́спода, восхвали́те Его́, все се́мя Иа́ковле, просла́вите Его́, да убой́тся же от Него́ все се́мя Изра́илево. Я́ко не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Нему́, услы́ша мя. От Тебе́ похвала́ моя́, в це́ркви вели́цей испове́мся Тебе́, моли́твы моя́ возда́м пред бо́ящимися Его́. Яды́т убóзии и насы́тятся, и восхва́лят Го́спода взыска́ющи Его́, жива́ бу́дут се́рдца их в век ве́ка. Помяну́тся и обратя́тся ко Го́споду вси концы́ земли́, и покло́нятся пред Ним вся оте́чествия язы́к. Я́ко Госпо́дне есть ца́рствие, и Той облада́ет язы́ки. Ядо́ша и поклоня́шася вси ту́чнии земли́, пред Ним припаду́т вси низходя́щие в зе́млю, и душа́ моя́ Тому́ живёт. И се́мя моё́ порабо́тает Ему́, возвестит Го́сподеви род гряду́щий. И возвестя́т пра́вду Его́ лю́дем ро́ждшымся, я́же сотвори́ Госпо́дь.

Псалом 22:

Госпо́дь пасе́т мя, и ничто́же мя лишит. На ме́сте зла́чне, та́мо всели́ мя, на воде́ покóйне воспита́ мя. Ду́шу мою́ обрати́, наста́ви мя на стези́ пра́вды, и́мене ра́ди Своего́. А́ще бо и пойду́ посреде́ сени́ сме́ртныя, не убо́юся зла, я́ко Ты со мно́ю еси́, жезл Твой и па́лица Твоя́, та мя уте́шиста. Угото́вал еси́ предо мно́ю трапе́зу сопроти́в стужа́ющим мне, ума́стил еси́ еле́ом главу́ мою́, и ча́ша Твоя́ упоява́ющи мя, я́ко держа́вна. И ми́лость Твоя́ пожене́т мя вся дни́ живота́ моего́, и е́же вселити́ ми ся в дом Госпо́день, в долготу́ дней.

Псалом 23:

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взидет на гору Господню? или кто станет на месте святем Егo? Неповинен руками и чист сердцем, иже не прият всеу душу свою, и не клятса лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмיתесь врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмיתесь врата вечная, и внидет Царь славы. Кто есть сей Царь славы? Господь сил, Той есть Царь славы.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

По кафисме седальны, глас 4:

С горних высот шед Гавриил, / и к камению приступль, идеже Камень жизни, / белоносый взываше к плачущим: / престаните вы от рыдания вопля, / имеющие и ныне милостивное: / Егoже бо ищите плачуще, / держайте, яко воистинну востал есть. / Темже возопийте апостолом, // яко воскрес Господь.

Стих: Исповемся Тебе Господи всем сердцем моим, / повем вся чудеса Твоя.

Вольным Твоим советом Крест претерпел еси, Спасе, / и во гробе нове положиша Тя человецы смертнии, / словом концы составльшаго. / Темже связан бысть чуждий, смерть люто пленяшеся, / и сущии во аде вси взываху живоносному востанию Твоему: // Христос воскрес, Жизнодавец пребываяй во веки.

Слава Отцу и Сыну и Святому Духу и ныне и присно и во веки веков. **Аминь.**

Удивися Иосиф, еже паче естества зря, / и внимаше мыслию иже на руну дождь, / в безсеменном зачатии Твоем, Богородице, / купину огнем неопалимую, жезл Ааронов прозябший, / и свидетельствуя обручник Твой и хранитель, священником взываше: // Дева раждает, и по рождестве паки Девою пребывает.

НЕПОРОЧНЫ

Избранныи стихи из псалма 118: глас 5

Блажéни непорóчнии в путь, ходя́щи в закóне Госпóдни. Блажéни испытáющи свидéния Егó, всем сёрдцем взы́щут Егó, не дéлающи бо беззакóния, в путéх Егó ходи́ша. Ты заповéдал еси́ за́поведи Твоя́ сохранити зело́. Дабы́ испрáвились путиé мой, сохранити оправдáния Твоя́. Тогда́ не постыжуся́, внигда́ призрети́ ми на вся за́поведи Твоя́. Исповéмся Тебé в прáвости сёрдца, внигда́ научити́ ми ся судьбáм прáвды Твоея́. Оправдáния Твоя́ сохраню́, не оста́ви мене́ до зела́. В чесóм испрáвит юнэйший путь свой? Внигда́ сохранити́ словеса́ Твоя́. Всем сёрдцем моимъ взыска́х Тебé, не отри́ни мене́ от за́поведей Твоихъ. В сёрдце моёмъ скрыхъ словеса́ Твоя́, я́ко да не согрешу́ Тебé. Благословéн еси́, Гóсподи: научи́ мя оправдáнием Твоимъ.

ТРОПАРИ ВОСКРЕСНЫ ПО НЕПОРОЧНАХ, ГЛАС 5:

Благословéн еси́, Гóсподи, научи́ мя оправдáнием Твоимъ.

А́нгельский собóр удиви́ся, / зря́ Тебé в мёртвыхъ вмени́вшася, / смёртнующую же, Спа́се, крéпость разоривша, / и с Собóю Ада́ма воздвигша, / и от ада́ вся свобóждша.

Благословéн еси́, Гóсподи, научи́ мя оправдáнием Твоимъ.

Почтó мiра с мiлостивными слезáми, / о учени́цы, растворя́ете? / Блиста́йся во грóбе А́нгел миронóсицамъ вещáше: / видите вы гробъ и уразумéйте, / Спас бо воскресе́ от грóба.

Благословéн еси́, Гóсподи, научи́ мя оправдáнием Твоимъ.

Зело́ ráно миронóсицы течáху / ко грóбу Твоему́ рыдáющия, / но предста́ к ним А́нгел и рече́: / рыдáния вре́мя преста́, не пла́чите, / воскресéние же апóстоломъ рцы́те.

Благословéн еси́, Гóсподи, научи́ мя оправдáнием Твоимъ.

Миронóсицы жены́ с мiры пришéдшия / ко грóбу Твоему́, Спа́се, рыдáху, / А́нгел же к ним рече́, глаго́ля: / что с мёртвыми живáго помышля́ете? / Я́ко Бог бо, воскресе́ от грóба.

Сла́ва: Поклони́мся Отцу́ / и Егó Сы́нови, и Свято́му Ду́ху, / Святе́й Трóице во еди́ном существе́, / с Серафíмы зову́ще: / Свят, Свят, Свят еси́, Гóсподи.

И ныне: **Ж**изнода́вца ро́ждши, / греха́, Де́во, Ада́ма изба́вила еси́, / ра́дость же Ё́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплотíвыйся Бог и Чело́век.

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. Трижды.

Сла́ва, и ны́не:

Ипако́й, глас 4:

Я́же Твоего́ пресла́внаго воста́ния, предте́кша миронóсицы, / апо́столом пропове́даху Христé, / я́ко воскрeсл еси́ я́ко Бог, // пода́я ми́рови ве́лию ми́лость.

СТЕПÉННЫ:

Антифо́н 1, глас 4:

От ю́ности моея́ / мно́зи бо́рют мя стра́сти, / но Сам мя заступí // и спасí, Спа́се мой.

Ненави́дящи Си́она, / посрамíteся от Го́спода, / я́ко трава́ бо огне́м // бу́дете изсо́хше.

Сла́ва, и ны́не: Святы́м Ду́хом / вся́ка душа́ живíteся, / и чистото́ю возвыша́ется, // светле́ется Трoйческим еди́нством, священнотáйне.

Антифо́н 2:

Воззва́х Тебе́ Го́споди те́пле, / из глуби́ны души́ моея́, / и мне да бу́дут на послуша́ние // Божéственная Твоя́ ушеса́.

На Го́спода наде́жду всяк кто стяжа́в, // вы́шший есть всех скорба́ющих.

Сла́ва, и ны́не: Святы́м Ду́хом / то́чатся благодáтныя струи́, / напая́юща вся́ку тварь // ко оживле́нию.

Антифо́н 3:

Сéрдце моé / к Тебе́, Сло́ве, да возвы́сится, / и да ничто́же усладíт мя // от мирски́х красoт на сла́бость.

К ма́тери своéй / я́коже има́ть кто любóвь, / ко Го́споду те́плше // любле́нием до́лжни есмы́.

Сла́ва, и ны́не: Святы́м Ду́хом боговѣдения богáтство,/ зрѣния, и премудрости:// вся бо в сем отѣческая велѣния слóво открывáет.

ПРОКЇМЕН, ГЛАС 4:

Воскреснї, Гóсподи, помозї нам/ и избáви нас їмене Твоегó рáди.

Стих: Бóже, ушїма нáшими услы́шахом, и отцы́ нáши возвестїша нам.

Воскреснї, Гóсподи, помозї нам/ и избáви нас їмене Твоегó рáди.

**Воскреснї, Гóсподи, помозї нам/
и избáви нас їмене Твоегó рáди.**

Гóсподи, помїлуй.

Сла́ва, и ны́не:

Всякое дыхáние да хвáлит Гóспода.

Стих: Хвалїте Бóга во святых́ Егó, хвалїте Егó в утвержѣнии сїлы Егó.

Всякое дыхáние да хвáлит Гóспода.

Гóсподи, помїлуй. Трижды.

Сла́ва, и ны́не:

От Иоанна святáго Евáнгелия чтѣние.

Сла́ва Тебѣ, Гóсподи, сла́ва Тебѣ.

И ЧТЕМ ЕВÁНГЕЛИЕ ВОСКРЕСНОЕ 7-Е:

Ин., 63 зач., XX, 1-10.

Во врѣмя оно, во едїну от суббóт, Марїя Магдали́на приїде заўтра, ещѣ сўщи тме, на гроб, и вїде кáмень взят от грóба. Течѣ ўбо и приїде к Сїмону Петру́, и к другóму ученику́, егóже любляше Исус, и глаго́ла їма: взяша Гóспода от грóба, и не вем, где положїша Егó. Изы́де же Петр и другїй ученик, и идя́ста ко грóбу. Теча́ста же óба вку́пе: и другїй ученик течѣ скорѣе Петра́, и приїде прѣжде ко грóбу. И принїк вїде рїзы лежáща, обáче не внїде. Приїде же Сїмон Петр в след егó, и внїде во гроб, и вїде рїзы едїны лежáща. И судáрь, їже бе на главѣ Егó, не с рїзами лежáщъ, но особь свит на едїном мѣсте. Тогда́ ўбо внїде и другїй ученик, пришѣдый прѣжде ко грóбу, и вїде, и вѣрова. Не у бо вѣдяху Писáния, я́ко подобáет Ему́ из мѣртвых воскрѣснути. Идо́ста же пáки к себѣ ученикá.

Русский перевод: В то время, в первый же день недели, Мария Магдалина приходит ко гробу рано, когда было еще темно, и видит, что камень отвален от гроба. Итак, бежит и приходит к Симону Петру и к другому ученику, которого любил Иисус, и говорит им: унесли Господа из гроба, и не знаем, где положили Его. Тотчас вышел Петр и другой ученик, и пошли ко гробу. Они побежали оба вместе; но другой ученик бежал скорее Петра, и пришел ко гробу первый. И, наклонившись, увидел лежащие пелены; но не вошел во гроб. Вслед за ним приходит Симон Петр, и входит во гроб, и видит одни пелены лежащие, и плат, который был на главе Его, не с пеленами лежащий, но особо свитый на другом месте. Тогда вошел и другой ученик, прежде пришедший ко гробу, и увидел, и уверовал. Ибо они еще не знали из Писания, что Ему надлежало воскреснуть из мертвых. Итак ученики опять возвратились к себе.

Сла́ва Тебе́, Го́споди, сла́ва Тебе́.

Воскресе́ние Христо́во ви́девше, поклони́мся Свято́му Го́споду Иису́су, еди́ному Безгре́шному. Кресту́ Твоему́ поклоня́емся, Христе́, и свято́е Воскресе́ние Твое́ поём и сла́вим: Ты́ бо еси́ Бог наш, ра́зве Тебе́ ино́го не зна́ем, и́мя Твое́ имену́ем. Прииди́те, вси ве́рнии, поклони́мся свято́му Христо́ву Воскресе́нию: се́ бо при́де Крестом ра́дость все́му ми́ру. Всегда́ благословя́ще Го́спода, поём Воскресе́ние Его́: распя́тие бо претерпе́в, сме́ртию сме́рть разруши́. **Трижды.**

ПСАЛО́М 50 С ПРИПЕ́ВАМИ

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззако́ние мое́. Наипа́че омы́й мя от беззако́ния моего́, и от греха́ моего́ очисти́ мя; я́ко беззако́ние мое́ аз зна́ю, и грех мой предо мно́ю есть вѣну. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззако́нных зача́т есмь, и во гресе́х роди́ мя ма́ти моя́. Се́ бо и́стину возлюбил еси́, безвѣстная и та́йная прему́дрости Твоея́ явил ми еси́. Окропи́ши мя иссо́пом, и очы́шуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти́. Се́рдце чи́сто сози́жди во мне, Бо́же, и дух прав обнови́ во утробе́ мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й.

Господи, устне мои отвѣрзеши, и уста моя возвестят хвалу Твою. Яко аще бы восхотѣл еси жѣртвы, дал бых ѹбо: всесожжѣния не благоволиши. Жѣртва Бѣгу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жѣртву правды, возношение и всесожегаемая; тогда возложат на олтарь Твой тельцы.

Слава:

Молитвами апѣстолов, Милостиве, очисти множества беззаконий наших.

И ныне:

Молитвами Богородицы, Милостиве, очисти множества беззаконий наших.

Таже, глас 6:

Помилуй мя, Бѣже, по велицей милости Твоей, и по множеству щедрот Твоих, очисти беззаконие мое.

Стихира, глас тойже:

Воскрес Исус от грѣба, якоже прорече, даде нам живѣт вѣчный и велию милость.

Господи, помилуй. 12.

Слава, и ныне:

КАНОН

Пѣснь 1

Канон Пасхи, глас 1

Ирмос: Воскресѣния день,/ просветимся, людие./ Пасха, Господня Пасха:/ от смѣрти бо к жизни,/ и от земли к небесѣ,/ Христѣс Бог нас преведе, // побѣдную поющия.

Припѣв: Христѣс воскресе из мѣртвых.

Очистим чувства, и узрим/ неприступным светом/ Воскресѣния, Христа/ блистающася,/ и радуйтесь, рекуща,/ ясно да услышим, // побѣдную поюще.

Припѣв: Христѣс воскресе из мѣртвых.

Небеса ѹбо достойно да веселятся,/ земля же да радуется,/ да празднует же мир,/ видимый же весь и невидимый:/ Христѣс бо воста, // весѣлие вѣчное.

Припев: Пресвятая Богородице, спаси нас.

Умерщвления предел сломила еси,/ вечную жизнь рождающая Христа,/ из гроба возсиявшего днесь,/ Дево Всенепорочная,// и мир просветившего.

Припев: Пресвятая Богородице, спаси нас.

Воскресшего видевши Сына Твоего и Бога,/ радуйся со апостолы Богоблагодатная Чистая:/ и еже радуйся первее,/ яко всех радости вина, восприяла еси,// Богомати Всенепорочная.

Канон Преполовления, глас 8:

Припев: Слава Тебе, Боже наш, слава Тебе.

Языцы воспещите, евреи восплачите,/ животодавец бо Христос, узы адовы расторже,/ и мертвыя воскреси, и недуги исцели словом:// Сей есть Бог наш, давший жизнь верующим во имя Его.

Припев: Слава Тебе, Боже наш, слава Тебе.

Чудо показал еси, воду в вино прешедшую,/ во Египте реки преложивый, Владыко, в кровь,/ и мертвыя воскресил еси, знамение сие второе скончав./ Слава, Спасе, несказанному Твоему совету:// слава истощанию Твоему, имже обновил еси нас.

Припев: Слава Тебе, Боже наш, слава Тебе.

Струя приснотекущая сый, Господи, жизни истинная,/ Ты еси воскресение наше,/ хотя трудился еси, Спасе мой,/ и волею вжаждался еси, законом естества повинуюся,// и в Сихарь шед плотию, воды просил еси у самаряныни пити.

Припев: Пресвятая Богородице, спаси нас.

Единая вместила еси Зиждителя Твоего, Богородительнице, во чреве,/ и плотию родила еси неизреченно,/ и Дева пребыла еси, ничтоже девству осквернившисья.// Сего, Чистая, яко Сына Твоего и Бога непрестанно моли о стаде Твоем присно.

Канон праздника Троицы (Недели о самаряныне), глас 4:

Припев: Слава Тебе, Боже наш, слава Тебе.

Погребенный воста, Собою воздвиже род человеческий:/ да радуется тварь вся,// и мысленнии днесь облацы да кропят правду яве.

Припев: Слава Тебе, Боже наш, слава Тебе.

Покрыва́яй вода́ми превы́спрення́я, Го́споди, вода́ жи́зни сый,/ самаряны́ни, прося́щей Твое́я честны́я воды́, // по́дал еси́ разумёвше́й благоутро́бие Твое́.

Сла́ва Отцу́ и Сы́ну и Свято́му Ду́ху.

Трои́чен: О Трои́це, ве́рою Тя чи́стою сла́влящих,/ О́тче, Сы́не и Ду́ше,/ я́ко Творе́ц всех спаса́й, // и очище́ние да́руй нам грехо́в, я́ко Преблагый.

И ны́не и прýсно и во ве́ки веко́в. Ами́нь.

Богородичен: Ра́дуйся, престо́ле о́гненный./ Ра́дуйся, све́щнице всезлатый./ Ра́дуйся, Све́та о́блаче./ Ра́дуйся, пала́то Сло́ва, и у́мная трапéзо, // хлеб жи́зни досто́йно Христа́ носившая.

Катава́сия Пасхи: Воскресе́ния день, /просвети́мся, лю́дие. / Па́сха, Госпо́дня Па́сха, / от сме́рти бо к жи́зни, / и от земли́ к небеси́, / Христо́с Бог нас преведе́, //побе́дную пою́щия.

Песнь 3:

Канон Па́схи, глас 1:

Ирмос: Приидите, пи́во пи́ем но́вое,/ не от ка́мене непло́дна чудодее́мое,/ но нетле́ния исто́чник/ из гроба́ одождивша Христа́, // в Не́мже утвержда́емся.

Припе́в: Христо́с воскре́се из ме́ртвых.

Ны́не вся испо́лнишася све́та,/ не́бо же и земля́, и преиспо́дня:/ да пра́зднует у́бо вся тварь/ воста́ние Христо́во, // в не́мже утвержда́ется.

Припе́в: Христо́с воскре́се из ме́ртвых.

Вчера́ спогребо́хся Тебе́ Христé,/ совостаю́ днесь/ воскре́сшу Тебе́,/ сраспина́хся Тебе́ вчера́, // Сам мя спросла́ви Спа́се во Ца́рствии Твоём.

Припе́в: Пресвята́я Богоро́дице, спаса́й нас.

На нетле́нную жизнь прихо́жду днесь/ бла́гостию ро́ждшагося из Тебе́, Чи́стая, // и всем конце́м свет облиста́вшего.

Припе́в: Пресвята́я Богоро́дице, спаса́й нас.

Бо́га, Егóже родила́ еси́ плóтию,/ из ме́ртвых, я́коже рече́,/ воста́вша ви́девши, Чи́стая, лику́й, // и Сего́ я́ко Бо́га Пречи́стая возвелича́й.

Канон Преполовения, глас 8:

Припе́в: Сла́ва Тебе́, Бо́же наш, сла́ва Тебе́.

Не иже на лице суд судите, иудее, уча глаголаше Владыка,/ егда прииде во святылище, якоже писано есть,// преполовившуся законному празднику.

Припев: Слава Тебе, Боже наш, слава Тебе.

Не иже на лице суд судите, иудее:/ Христос бо прииде,// Егоже нарицаху пророцы от Сиона грядуща и мир взывающа.

Припев: Слава Тебе, Боже наш, слава Тебе.

Аще и словесем не веруете, иудее, делом веруйте Владыки:/ что прельщаетеся, отметающеся Святаго,// Егоже написа в законе Моисей?

Припев: Пресвятая Богородице, спаси нас.

Един от Троицы сый быв, плоть виделся еси,/ не преложь, Господи, существа,/ ниже опалив Родшия нетленное чрево,// Бог сый весь и огонь.

Канон праздника Троицы (Недели о самаряныне), глас 4:

Припев: Слава Тебе, Боже наш, слава Тебе.

Что чудитесь; что во гробе вы ищите с миром, жены, Владыку?/ Воста, и мир создвиже,// Ангел блистаяяся мирносицам вещаше.

Припев: Слава Тебе, Боже наш, слава Тебе.

Жизнь сый, Господи, и источник бессмертия,/ сел еси при источнице, Щедре,// и Твоих премудрых вод исполнил еси самаряныню просящую, и поющую Тя.

Слава Отцу и Сыну и Святому Духу.

Троицен: Един над всеми в Троице Бог поется,/ Отец и Сын и Божественный Дух,/ Егоже страхом славят небеснии чинове, ясно вопиюще:// Свят, Свят, Свят еси Господи.

И ныне и присно и во веки веков. Аминь.

Богородичен: Несказанно зачѣнши во утробе Твоей всех Бога, Дево Мати,/ паче мысли и слова родила еси,// пребывши Дева яко прежде рождества, Богоневѣсто.

Катавасия Пасхи: Приидите, пиво пиѣм новое, / не от камене неплодна чудодѣемое, / но нетления источник / из гроба одождивша Христа, // в Немже утверждаѣмся.

Господи, помилуй. Трижды.

Сла́ва, и ны́не:

Кондак Преполовения, глас 4:

Пра́зднику зако́нному преполовля́ющуся, / всех Тво́рче и Влады́ко, / к предстоя́щим глаго́лал еси́, Христе́ Бо́же: / приидите́ и почерпите́ во́ду безсме́ртия. / Те́мже Тебе́ припа́даем и ве́рно вопие́м: / щедро́ты Тво́я да́руй нам, // Ты бо еси́ Исто́чник жи́зни на́шея.

И́кос:

Олядене́вшую мою́ ду́шу прегреше́ний беззаконьми, / течены́ми Твои́х крове́й напо́й, / и покажи́ плодоносну́ добродетельми: / Ты бо рекл еси́ всем, е́же приходи́ти к Тебе́, Сло́ве Бо́жий Всесвяты́й, / и во́ду нетле́ния почерпа́ти, живу́ю же и очища́ющую грехи́, / пою́щих сла́вное и Божество́нное Твое́ воста́ние, / пода́я, Благо́й, с высоты́ сше́дшую вои́стинну ученико́м Твои́м Ду́ха кре́пость, / Тебе́ Бо́га ве́дущим: // Ты бо еси́ исто́чник жи́зни на́шея.

Седáлен Триоди (самаряны́ни), глас 4, подо́бен: «Вознеси́йся...»:

Да ра́дуется Не́бо, да ликовству́ют земна́я, / я́ко Христо́с от Девы́ яви́вся я́ко Чело́век, / изба́ви из ислéния все чело́вечество Своёю́ сме́ртию: / чудесы́ же возсия́вый женé самаряны́не водо́й прося́щей, // подаёт исто́чник исцелéний, я́ко еди́н безсме́ртен.

Седáлен Преполовения, глас 4:

Сла́ва Отцу́ и Сы́ну и Свято́му Ду́ху И ны́не и присно́ и во ве́ки веко́в. Ами́нь..

Премудро́сти подáтелю и Влады́ко, / пра́зднику зако́нному предста́л еси́, / во святы́лищи сед учи́л еси́, глаго́ляй си́це всем: / грядите́, жа́ждущии, пийте во́ду, ю́же Аз ны́не подаю́, // ёю́же жи́зни от Бо́га и пи́щи насладите́ся вси чело́вэцы.

Песнь 4

Канон Пасхи, глас 1

Ирмо́с: На Божество́нной стра́жи / богоглаго́ливый Авваку́м / да ста́нет с на́ми и пока́жет / светоносна́ А́нгела / я́сно глаго́люща: / днесь спасéние ми́ру, / я́ко воскресе́ Христо́с, // я́ко всеси́лен.

Припе́в: Христо́с воскресе́ из ме́ртвых.

Му́жеский у́бо пол, / я́ко развэ́рзый де́вственную утробу́, / яви́ся Христо́с: / я́ко чело́век же, / А́гнец нарече́ся: / непорочен же, / я́ко

невкусен скверны,/ наша Пасха,/ и яко Бог истинен// совершен речеся.

Припев: Христос воскрес из мертвых.

Яко единоклетный агнец,/ благословенный нам венец Христос,/ волею за всех заклан бысть,/ Пасха очистительная,/ и паки из гроба красное// правды нам возсия Солнце.

Припев: Пресвятая Богородице, спаси нас.

Создавший Адама, Твоего праотца, Чистая,/ зиждется от Тебе,/ и смертное жилище разори Своею смертию днесь,/ и озари вся// божественными блистаниями воскресения.

Припев: Пресвятая Богородице, спаси нас.

Егоже родила еси Христа,/ прекрасно из мертвых возсиявша, Чистая, зрящи,/ добрая и непорочная в женах и красная,/ днесь во спасение всех,// со апостолы радующися, Того прославляй.

Канон Преполовления, глас 8:

Припев: Слава Тебе, Боже наш, слава Тебе.

Аще мессии подобает прийти,/ Мессия же Христос есть, беззаконни, что не веруете Ему?/ Се придет, и свидетельствует, яже Той творит:// воду вино сотвори, разслабленного словом стягну.

Припев: Слава Тебе, Боже наш, слава Тебе.

Не разумюще писаний, прельщаетесь вси вы, евреи беззаконнии:/ воистинну бо придет Христос, и всех просветит,/ и в вас покажет многая знамения и чудеса,// и все отрицаетесь истинного живота.

Припев: Слава Тебе, Боже наш, слава Тебе.

Едино дело показав вам, и вси уже дивитесь, зываше иудеем Христос. Вы обрежете и в субботу человека, рече,/ Мене же что оклеветаете прочее,// воздвигшаго словом разслабленного?

Припев: Слава Тебе, Боже наш, слава Тебе.

Дела сотворих многая, и коего ради дела камением биете Мя?/ Иудеем Христос, обличая, зываше:/ еда ли зане человека здрава всего словом сотворих,// не судите на лице человецы.

Канон праздника Троицы (Недели о самаряныне), глас 4:

Припев: Слава Тебе, Боже наш, слава Тебе.

Небеса́ да веселя́тся, да пра́зднует тварь вся, // воста́ Госпо́дь, и яви́ся всем премудрым апо́столом Свои́м.

Припе́в: Сла́ва Тебе́, Бо́же наш, сла́ва Тебе́.

Самаряни́ни, Го́споди, проси́вшей пода́л еси́ во́ду, ве́дение держа́вы Твоея́: // те́мже во ве́ки не вжа́ждет воспева́ющи Тя.

Сла́ва Отцу́ и Сы́ну и Свято́му Ду́ху.

Трои́чен: О Трои́це пресу́щная, / Отче, и Сло́ве, и Божество́нный Ду́ше, / единосильне, собезнача́льне! // Спаси́ нас всех, ве́рою воспева́ющих Тя.

И ны́не и при́сно и во ве́ки веко́в. Ами́нь.

Богородичен: Неопали́мую купину́ Тя законоположи́тель зря́ше дре́вле, / Дании́л же го́ру святу́ю смотре́ше, // еди́на Де́во Ма́ти Влады́чице.

Катава́сия: На Божество́нной стра́жи / богоглаго́ливый Авваку́м / да ста́нет с на́ми и пока́жет / светоно́сна А́нгела / я́сно глаго́люща: / днесь спасе́ние ми́ру, / я́ко воскресе́ Христо́с, // я́ко всеси́лен.

Песнь 5

Ирмо́с: У́тренюем у́треннюю глубоку́, / и вме́сто ми́ра песнь принесем Влады́це, / и Христа́ у́зрим / пра́вды Со́лнце, // всем жизнь возсия́юща.

Припе́в: Христо́с воскресе́ из ме́ртвых.

Безме́рное Твое́ благоутро́бие, / а́довыми у́зами содержи́мии зря́ще, / к све́ту идя́ху, Христе́, / веселы́ми нога́ми, // Па́сху хва́ляще ве́чную.

Припе́в: Христо́с воскресе́ из ме́ртвых.

Присту́пим священосни́и, / исходя́щу Христу́ из гроба́, я́ко жениху́, / и спра́зднуем любопра́зднственными́ чини́ми // Па́сху Бо́жию спаса́тельную.

Припе́в: Пресвята́я Богоро́дице, спаси́ нас.

Просвещáется божество́нными луча́ми и живоносными́ / воскресе́ния Сы́на Твоего́, / Богома́ти Пречи́стая, // и ра́дости исполня́ется благочести́вых собра́ние.

Припе́в: Пресвята́я Богоро́дице, спаси́ нас.

Не развѣрзл еси врата дѣвства в воплощѣнии,/ грѣба не разрушил еси печатей, Царю создѣнія:// отонудуже воскресшаго Тя зрящи, Мати, радовашеся.

Канѣн Преполовѣния, глас 8:

Припѣв: Слава Тебѣ, Бѣже наш, слава Тебѣ.

Чудесы украсил еси апѣстолы Твоя,/ дивесы возвелѣчил еси ученикы,// во всем мѣре прославил, Спасе наш, и дав им Царствие Твое.

Припѣв: Слава Тебѣ, Бѣже наш, слава Тебѣ.

Вся просветѣша земли концы ученицы, чудесы и учеными,// и различными образы слово проповѣдавшие, Христѣ Спасе, Царствия Твоего.

Припѣв: Слава Тебѣ, Бѣже наш, слава Тебѣ.

Хвалу возсылаем Царствию Твоему, пѣние же Тебѣ приносим,// нас ради на земли явившемуся, и мир просветившему, и Адама воззвѣвшему.

Припѣв: Пресвятая Богородице, спаси нас.

Бысть чрево Твое святая трапѣза, имущая небесный хлеб,/ от негоже всяк ядый не умирает,// якоже рече всех, Богородительнице, Питатель.

Канѣн праздника Троицы (Недели о самаряныне), глас 4:

Припѣв: Слава Тебѣ, Бѣже наш, слава Тебѣ.

Смерть умертвися, ад пленися,/ сущии во узах свободѣшася Христовым Воскресѣнием,// возрадуимся и руками восплѣщим, празднующе светло.

Припѣв: Слава Тебѣ, Бѣже наш, слава Тебѣ.

Источник сый, Господи, жизни,/ воду оставления и разумения даровал еси,/ женѣ просившей древле, самаряныне.// Темже воспѣваем неизреченныя щедроты Твоя.

Слава Отцу и Сыну и Святому Духу.

Троицен: Единицу триипостасную, Троицу единосущную,/ Отца, Слова, и Духа Святаго,/ нераздельна Естеством Бога единого почитаем,// Творца и Господа и Владыку всех.

И ныне и присно и во веки веков. Аминь.

Богородичен: **Тя, дверь непроходимую, и село невозделанное/ и ковчег, манну носящий, и ручку, и свещник, // и кадильницу невестственного угля именуем, Чистая.**

Катавасия Пасхи: **Утренюем утреннюю глубокую, / и вместо мира песнь принесем Владыце, / и Христа узрим / правды Солнце, // всем жизнь возсияющая.**

Песнь 6

Канон Пасхи, глас 1

Ирмос: **Снизшел еси в преисподняя земли, / и сокрушил еси верей вечных, / содержащая связанные, Христе, / и тридневен, яко от кита Иона, // воскресл еси от гроба.**

Припев: **Христос воскрес из мертвых.**

Сохранив цела знамения Христе, / воскресл еси от гроба, / ключи Девы не вредивый в рождестве Твоем, // и отверзл еси нам райския двери.

Припев: **Христос воскрес из мертвых.**

Спасе мой, / живое же и нежертвенное зачатие, / яко Бог Сам Себе / волею привел Отцу, / совоскресил еси всеродного Адама, // воскрес от гроба.

Припев: **Пресвятая Богородице, спаси нас.**

Возведется древле держимое смертию и тлением, / воплотившимся от Твоего пречистаго чрева, / к нетленной и присносущней жизни, // Богородице Дево.

Припев: **Пресвятая Богородице, спаси нас.**

Сниде в преисподняя земли, / в ложесна Твоя, Чистая, сшедый, / и вселившийся и воплотившийся паче ума, / и воздвиже с Собою Адама, // воскрес от гроба.

Канон Преполовления, глас 8:

Припев: **Слава Тебе, Боже наш, слава Тебе.**

Вся содержи концы, возшел еси, Иисусе, / и учил еси во святителици народы слову истины, // празднику преполовляющуся, якоже Иоанн вопиет.

Припев: **Слава Тебе, Боже наш, слава Тебе.**

Дѣло Отчее совершил еси,/ дѣлы увѣрил еси словеса Твоя,/ исцелѣния совершая Спасе, и знаменія, // разслабленнаго исправляя, прокаженныя очищая, и мѣртвыя воскрешая.

Припѣв: Слава Тебѣ, Божѣ наш, слава Тебѣ.

Безначальный Сын начало бысть прием,/ еже по нам вочеловѣчися,/ и посреде праздника учаши, глаголя:// притецѣте ко источнику приснотекущему, жизнь почерпите.

Припѣв: Пресвятая Богородице, спаси нас.

Дѣву по рождествѣ поем Тя,/ Дѣву и Матерь славим Тебѣ единому,/ Чистая Богоневѣсто Отроковице, // из Тебѣ бо воистинну Бог воплотися, обновив нас.

Канон праздника Троицы (Недели о самаряныне), глас 4:

Припѣв: Слава Тебѣ, Божѣ наш, слава Тебѣ.

Что плачете; что носите яко смертному жени мѣра?/ Воста Христос,/ вопиаше древле блистая вельми, явлейся юноша,/ тщи плащаницы оставив:// шедше возвестите другом Егѣ востание.

Припѣв: Слава Тебѣ, Божѣ наш, слава Тебѣ.

Струя сый, Господи, жизни незавѣстная,/ и бездна милости, Блаже,/ путешествовав сѣдиши близ кладязя клятвеннаго,/ и самаряныни вопиал еси:// даждь Ми воду пити, яко да приимеши оставления воды.

Слава Отцу и Сыну и Святому Духу.

Троицен: Пою Отца безначальна, и Сына сопредельна, и Духа единосущна верно,/ едино Существо, и Естество и славу,/ и едино Царство Бога всех и Творца, // Содержителя всего, со безплотными силами.

И ныне и присно и во веки веков. Аминь.

Богородичен: Дѣву, единому рѣдшую, и утробу нетленну соблюдшу поем Тя, Чистая,/ престол Господень, и дверь, и гору, и мысленный свѣщник,/ чертог всесветлый Божий, и сень славы яве, // ковчег же и ручку и трапѣзу.

Катавасия Пасхи: Снизшел еси в преисподняя земли, / и сокрушил еси верей вечныя, / содержащая связанная, Христѣ, / и тридневен, яко от кита Ибна, // воскресл еси от грѣба.

Господи, помилуй. Трѣжды.

Слава, и ныне:

Конда́к пра́здника Трио́ди (самаряни́ни), глас 8:

**Вéрою пришéдшая на кладя́зь самаряни́ня,/ ви́де Тя премудрости
вóду,/ ё́уже напо́ившись обильно, // Ца́рствие ви́шнее насле́дова
вéчно, я́ко присносла́вная.**

И́кос:

**Чи́стая та́инства услы́шим, Иоáнну нас уча́щу, в Самарии́ б́вшая:/ ка́ко
женé бесе́доваше Госпо́дь, вóду проси́в,/ И́же вóду в со́нмища их собра́вый,/
И́же Отцу́ и Ду́ху сопресто́льный:/ при́де бо ища́й о́браз Свой, // вéчно я́ко
присносла́вный.**

Песнь 7

Кано́н Пасхи, глас 1

**Ирмо́с: О́троки от пе́щи изба́вивый, / быв Чело́век, / стра́ждет я́ко
сме́ртен, / и стра́стию сме́ртное, / в нетле́ния облачи́т благоле́пие,/ Еди́н
благослове́н //отце́в Бог и препросла́влен.**

Припе́в: Христо́с воскресе́ из ме́ртвых.

**Же́ны с ми́ры богому́дрия в след Тебе́ теча́ху:/ Егóже, я́ко ме́ртва, со
слеза́ми иска́ху,/ поклони́шася ра́дующияся Живóму Бо́гу,/ и Па́сху
та́йную // Тво́им, Христе́, ученико́м благовести́ша.**

Припе́в: Христо́с воскресе́ из ме́ртвых.

**Сме́рти пра́зднуем умерщвле́ние,/ а́дово разруше́ние,/ ино́го жити́я
вéчнаго нача́ло,/ и игра́юще поём Ви́новнаго,/ Еди́наго
благослове́ннаго // отце́в Бо́га, и препросла́вленнаго.**

Припе́в: Пресвята́я Богоро́дице, спаси́ нас.

**Умертви́в Сын Твой сме́рть, Всенепоро́чная, днесь,/ всем сме́ртным
пребыва́ющий живóт/ во ве́ки веко́в дарова́,/ еди́н благослове́нный //
отце́в Бог и препросла́вленный.**

Припе́в: Пресвята́я Богоро́дице, спаси́ нас.

**Всем ца́рствуяй создáнием, быв чело́век,/ всели́ся в Твою́,
Богоблагода́тная, утробу́,/ и распя́тие претерпе́в и сме́рть,/ воскресе́
боголе́пно, // совозста́вив нас я́ко всеси́лен.**

Кано́н Преполо́вения, глас 8:

Припе́в: Сла́ва Тебе́, Бо́же наш, сла́ва Тебе́.

**Пло́тски потруди́лся еси́, упоко́ение всех,/ волею́ вжада́лся еси́,
истóчнице чуде́с, // воды́ проси́л еси́, вóду жи́зни, Иису́се, возвеща́яй.**

Припéв: Сла́ва Тебе́, Бо́же наш, сла́ва Тебе́.

Самаряны́ни, Го́споди, женé бесéдовал еси́,/ облича́я безу́мие беззако́нных евреев,// она́ у́бо véрова Сы́на бы́ти Бо́жия, сии же отвергóшася.

Припéв: Сла́ва Тебе́, Бо́же наш, сла́ва Тебе́.

Хлеб яду́ще Плóти Господни,/ и Кровь приéмлюще ребра́ Влады́чняя,// обновлénием Дúха да жítельствуим, живу́ще благода́тию.

Припéв: Пресвята́я Богороди́це, спаси́ нас.

Во чре́ве Твоём вмести́ла еси́ невместíмое Сло́во,/ от Твои́х сосе́ц дойла еси́ ми́ру Пита́теля,/ на объ́ятии носила́ еси́ Содержи́теля нашего, Богороди́тельнице Чы́стая.

Канóн пра́здника Триóди (Неде́ли о самаряныне), глас 4:

Припéв: Сла́ва Тебе́, Бо́же наш, сла́ва Тебе́.

Со беззако́нными, Христé Щéдре, волею вмени́лся еси́, во вре́мя божéственныя стра́сти,/ и сия́ видя́щи, колеба́шеся земля́, / и ка́мение вседéтельным мановénием распа́дася непости́жимо, // и воста́ша мёртвии и́же от véка.

Припéв: Сла́ва Тебе́, Бо́же наш, сла́ва Тебе́.

Вода́ еси́ жи́зни, вопия́ше Христú самаряны́ня: напо́й мя у́бо Сло́ве жа́ждущую всегда́ твоея́ божéственныя благода́ти, я́ко да не ктому́, Иисúсе Го́споди, невéдения содержи́ся знóем, но проповéдую твоя́ вели́чия.

Сла́ва Отцу́ и Сы́ну и Свято́му Дúху.

Трои́чен: Отца́, и Сы́на, и Божéственнаго воспевáем Дúха,/ нераздéльную Трои́цу Естество́м сущую,/ разделéнну Ли́цы, еди́но существó, / сра́сленное, безнача́льное, Творца́ всех, Бо́га:// Егóже вси небéснии пою́т чи́нове.

И ны́не и прísно и во véки веко́в. Ами́нь.

Богородичен: По рождествé стра́шнем, Дéва чистá сохрани́лася еси́, свята́я Богороди́це: / тэмже Тя вси а́нгельстии ли́цы, и челове́честии рóди вси, // немóлчными воспевáют глáсы, вмести́лище чы́стое Невместíмага.

Катавасия Пасхи: **О**троки от пещи избавивый, быв Человек, / страждет яко смертен, / и страстию смертное, / в нетления облачит благолепие, / Един благословен //отцев Бог и препрославлен.

Песнь 8

Канон Пасхи, глас 1

Ирмос: Сей нареченный и святыи день, / Един суббот Царь и Господь, / праздников праздник / и торжество есть торжеств, // вонже благословим Христа во веки.

Припев: Христос воскрес из мертвых.

Приидите, новаго винограда рождения, / Божественнаго веселия, / в нарочитом дни Воскресения, / Царствия Христова приобщимся, / поюще Его, // яко Бога, во веки.

Припев: Христос воскрес из мертвых.

Возведи окрест очи твои, Сионе, и виждь: / се бо приидоша к тебе, / яко богосветлая светила, / от запада, и севера, и моря, / и востока чада твоя, // в тебе благословящая Христа во веки.

Припев: Пресвятая Богородице, спаси нас.

Прииде Тобою в мир Господь, Дево Богородице, / и чрево адово расторг, / смертным нам воскресение дарова: // Темже благословим Его во веки.

Припев: Пресвятая Богородице, спаси нас.

Всю низложив смерти державу Сын Твой, Дево, / Своим воскресением, / яко Бог крепкий совознес нас и обожил: // темже воспеваем Его во веки.

Канон Преполовления, глас 8:

Припев: Слава Тебе, Боже наш, слава Тебе.

Приидите видите, людие, на престоле славы воспеваемого, / от людей беззаконных хулимаго, // и видяще пойте в пророцех Мессию предреченнаго.

Припев: Слава Тебе, Боже наш, слава Тебе.

Ты еси воистинну Христос, в мир сей пришедый, / из Негоже спасение и оставление отеческих согрешений: // Ты еси воистинну живот, в Тя веровавшим.

Припев: Слава Тебе, Боже наш, слава Тебе.

Премудрость Божия, преполовившуся празднику, якоже писано есть, / во святѣлицѣ предстѣ и учаше, // яко воистинну Сей бѣше Мессѣа Христос, Имже спасение.

Припев: Пресвятая Богородице, спаси нас.

Како родила еси, рцы, от Отца безлетно просиявшаго, / и со Святым Духом воспеваемого? // Или яко вестъ единъ благоволивый из Тебѣ родитися, Богородице.

Канон праздника Троицы (Недели о самаряныне), глас 4:

Припев: Слава Тебѣ, Боже наш, слава Тебѣ.

Явился еси, Господи, во тме седящим, / Свет сый незаходимый, и Живот всех. / Темже Ты яко виде праведных сонм, възграся, Слово, и возопи: // пришел еси вся от уз разрешити, поющия державу Твою.

Припев: Слава Тебѣ, Боже наш, слава Тебѣ.

Близ сел еси источника, в час Спасе шестый, / и самаряныни воду живую подал еси, / и разума воды за многое благоутробие. / С неюже вси вопиём, воспевающе: // благословите, дела Господня, непрестанно Господа.

Благословим Отца, и Сына, и Святаго Духа, Господа.

Троицен: Отца безначальна, Сына собезначальна поём, и Духа Святаго, / Бога единого трое, неслиянна, непресекома, Содетеля всех, / единосильную державу, самовластную, и вопиём: // благословите, дела Господня, непрестанно Господа.

И ныне и присно и во веки веков. Аминь.

Богородичен: Углем очищается Исаия, / предпроповедуя мысленнаго угля, / воплощаемая, Дево, из Тебѣ паче мысли, / опаляюща человеков вся вещныя грехи, // и обожаяща за милосердие естество наше, Всенепорочная.

Хвалим, благословим, поклоняемся Господеви, поюще и превозносяще во вся веки.

Катавасия: Сей нареченный и святый день, / Един суббот Царь и Господь, / праздников праздник / и торжество есть торжество, // воньже благословим Христа во веки.

Честнейшую не поем.

Песнь 9

Канон Пасхи, глас 1

Ирмос: Свети́ся, свети́ся, / но́вый Иерусали́ме, / сла́ва бо Господня / на тебе возсия. / Лику́й ны́не и весели́ся, Сио́не. / Ты же, Чи́стая, красуйся, Богоро́дице, // о воста́нии Рожде́ства Твоего́.

Припев: Хри́сто́с воскресе́ из ме́ртвых.

О Божественнаго, о любезнаго, / о сладчайшаго Твоего гласа! / С нами бо неложно / обеща́лся еси́ бы́ти, / до сконча́ния ве́ка, Хри́сте: / Егоче́, ве́рнии, // утвержде́ние наде́жди иму́ще, раду́емся.

Припев: Хри́сто́с воскресе́ из ме́ртвых.

О Пасха́ ве́лия и священнейшая, Хри́сте! / О му́дросте, и Сло́ве Бо́жий, и си́ло! / Подава́й нам и́стее Тебе́ причаща́тися, // в невече́рном дни Ца́рствия Твоего́.

Припев: Пресвята́я Богоро́дице, спаси́ нас.

Согласно, Де́во, Тебе́ блажи́м ве́рнии: / раду́йся, двере́ Господня: / раду́йся, гра́де одушевле́нный: / раду́йся, Ея́же ра́ди нам ны́не возсия́ свет, // из Тебе́ Рожде́ннаго из ме́ртвых Воскресе́ния.

Припев: Пресвята́я Богоро́дице, спаси́ нас.

Весели́ся и раду́йся божественная двере́ Света: / заше́дый бо Иису́с во гроб возсия́, / просия́в со́лнца светле́е, / и ве́рныя вся оза́рив, // Богора́дованная Влады́чице.

Канон Преполовления, глас 8:

Припев: Сла́ва Тебе́, Бо́же наш, сла́ва Тебе́.

Празднику преполовляющуся иудейскому, / возше́л еси́, Спа́се мой, во святы́лице Твое́, и науча́л еси́ всех: // чудя́хуся же иудее́, и отку́ду Сей весть пи́сьмена не научи́вша, глаго́лаху.

Припев: Сла́ва Тебе́, Бо́же наш, сла́ва Тебе́.

Исцеления дарова́ний Изба́витель мой источа́я, / сотвори́ше чудеса́ и зна́мения, / прогоня́ недуги́, целя́ немощствую́щия: // но иуде́и неистовствова́хуся мно́жеством чуде́с Его́.

Припев: Сла́ва Тебе́, Бо́же наш, сла́ва Тебе́.

Плѳтскій иудѣй по плѳти разумева́й, / помышля́й пи́санная, Писа́нием претыка́ется, / проти́ву па́дает же па́ки Ду́хом йстины:// мы же си́е отрину́вше, му́дрствуим духо́вная.

Припе́в: Пресвята́я Богоро́дице, спаси́ нас.

Вмести́ла еси́ во чре́ве Твоём, Де́во Ма́ти, / еди́наго от Трои́цы Христа́ Жизнода́вца, / Егѳже поёт вся тварь, и трепещут го́рнии престѳлы:// Того́ моли́, Всеблаже́нная, спасти́ ду́ши на́ша.

Кано́н пра́здника Трои́ди (Неде́ли о самаряныне), глас 4:

Припе́в: Сла́ва Тебе́, Бо́же наш, сла́ва Тебе́.

Красѣн из грѳба, я́ко Жени́х от черто́га изше́л еси́, / сме́рти разори́вый мучи́тельство, Христѣ́, / и а́довы вере́й сокруши́вый си́лою Божѣственною, // и воста́ния Твоего́, све́том у́мным просвети́вый мир.

Припе́в: Сла́ва Тебе́, Бо́же наш, сла́ва Тебе́.

Жизнь живу́щих, исто́чник благи́х Господь, / богáтно источа́й во́ду учѣний, вопи́ет женѣ: / пода́ждь Ми во́ду пи́ти, я́ко да пода́м ти во́ду, // грехѳв твои́х исто́чники изсуша́ющую.

Сла́ва Отцу́ и Сы́ну и Свято́му Ду́ху.

Трои́чен: Свет еди́н неразде́льно, трисѳлнечная Еди́ница, / безнача́льный Оте́ц, Сын, и Дух, Божество́ еди́но, / Жизнь и всех Творѣц. / Того́ воспо́йм ве́рнии со безплѳтными, // трисвяты́ми пе́снями священносло́вюще.

И ны́не и при́сно и во ве́ки веко́в. Ами́нь.

Богородичен: Све́ту бѳвши жили́ще, Чи́стая, / озари́ зе́ницы души́ моея́, / омраче́нная мно́гими козньми́ врага́, / и ви́дети сподо́би я́сно от Тебе́ возсия́вший Свет // па́че мы́сли, чи́стым се́рдцем.

Катава́сия Пасхи: Свети́ся, свети́ся, / но́вый Иерусали́ме, / сла́ва бо Господня́ / на тебе́ возсия́. / Лику́й ны́не и весели́ся, Сиѳне. / Ты же, Чи́стая, красуй́ся, Богоро́дице, // о воста́нии Рожде́ства Твоего́.

Гѳсподи, поми́луй. Трижды.

Сла́ва, и ны́не:

Свят Господь Бог наш. Свят Господь Бог наш. Свят Господь Бог наш.

Светілен Пáсхи, самогласен:

Плóтию уснóв,/ я́ко мертв,/ Царю́ и Го́споди,/ триднёвен воскрéсл еси́,/ Ада́ма воздв́иг от тли,/ и упраздн́ив смерть:/ Пáсха нетлéния,// м́ира спасéние.

Сла́ва:

Светілен прáздника Трибóди (Недéли о самаряныне):

В Самарію пришéл еси́, Спа́се мой Всесі́льне,/ и женé бесéдовав просі́л еси́ воды́ п́ити,/ евре́ем во́ды источі́вый из ка́мене несекóмаго,/ ю́же к véре совосприя́л еси́,// и н́ине ж́изни наслаждáется на небесéх вéчно.

И н́ине:

Светілен Преполовения:

Преполов́ившуся пришéл еси́ прáзднику, Человеколю́бче во святі́лище, и глаго́лал еси́:/ жа́жды испóлненнии, ко Мне прииді́те,/ и почерп́ите во́ду живую́ и пита́ющую.// Ё́уже п́ищи, и благодáти, ж́изни же безсмéртныя насладі́тесь вси.

ХВАЛІТНЫ ПСАЛМЫ, ГЛАС 4:

Вся́кое дыха́ние да хва́лит Го́спода. Хвалі́те Го́спода с небéс, хвалі́те Егó в в́ышних. Тебé подобáет песнь Бо́гу. Хвалі́те Егó, вси А́нгели Егó, хвалі́те Егó, вся Сі́лы Егó. Тебé подобáет песнь Бо́гу.

(в приходской практике пропускается до стихир) : Хвалі́те Егó, со́лнце и луна́, хвалі́те Егó, вся звéзды и свет. Хвалі́те Егó Небесá небéс и вода́, я́же прев́ыше небéс. Да восхва́лят і́мя Госпо́дне: я́ко Той рече́, и бы́ша, Той повеле́, и созда́шася. Поста́ви я́ в век и в век ве́ка, повелéние положи́, и не м́имо і́дет. Хвалі́те Го́спода от землі́, зм́иеве и вся бéздны: огонь, град, снег, го́лоть, дух б́урен, творя́щая сло́во Егó, го́ры и вси хо́лми, древа́ плодонóсна и вси ке́дри, звéрие и вси скóти, га́ди и пт́ицы перна́ты. Цáрие зéмстии и вси лю́дие, кня́зи и вси суді́й зéмстии, ю́ноши и дéвы, ста́рцы с ю́нотами да восхва́лят і́мя Госпо́дне, я́ко вознесéся і́мя Тогó Ед́инаго, исповéдание Егó на землі́ и на небесі́. И вознесéт рог люде́й Своі́х, песнь всем преподóбным Егó, сыновóм Израі́левым, лю́дем, приближа́ющимся Емú.

Воспойте Господеви песнь нову, хваление Его в церкви преподобных. Да возвеселится Израиль о сотворшем Его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах

своих. Возношения Божия в гортани их, и мечи обоюду остри в руках их: сотворити отмщение во языцех, обличения в людех, связати цари их путы, и славныя их ручными оковы железными,

Стихиры на хвалитех, глас 4:

Сотворити в них суд написан. / Слава сия будет всем преподобным Его.

Крест претерпёвый и смерть, / и воскресый из мёртвых, Всесильне Гóсподи, // сла́вим Твоё Воскресéние.

Хвалите Бóга во святых Его, / хвалите Его в утвержении силы Его.

Крестом Твоим, Христé, / от дрéвняя клятвы свободил еси нас, / и смёртию Твоёю / естество наше мучащаго диáвола упразднил еси: / востáнием же Твоим радости вся исполнил еси. / Тёмже вопиём Ти: // воскресый из мёртвых, Гóсподи, сла́ва Тебé.

Хвалите Его на силах Его, / хвалите Его по множеству величества Его.

Твоим Крестом, Христé Спа́се, / наста́ви нас на и́стину Твою, / и изба́ви нас от се́тей вра́жиих, / воскресый из мёртвых, / возста́ви ны па́дшыяся грехом, / простёр ру́ку Твою, Человеколю́бче Гóсподи, // моли́твами святых Твоих.

Хвалите Его во гласе трубнем, / хвалите Его во псалтири и гуслех.

Отéческих Твоих недр не разлучився, / Единорóдный Сло́ве Бóжий, / пришёл еси на зéмлю за человеколю́бие, / Чело́век быв непрелóжен, / и крест и смерть претерпёл еси плóтию, / безстра́стный Божеством: / воскрéс же из мёртвых, / безсмёртие подал еси рóду челове́ческому, // я́ко Ед́ин Всесíлен.

Хвалите Его в тимпáне и ли́це, / хвалите Его во стру́нах и оргáне.

Смерть прия́л еси плóтию, / нам безсмёртие ходáтайствуя, Спа́се, / и во гроб всели́лся еси, / да нас от áда свободи́ши, воскресив с Собóю: / пострадá у́бо я́ко чело́век, / но воскрéс, я́ко Бог. / Сего́ ра́ди вопиём: / сла́ва Тебé, Жизнода́вче Гóсподи, // Ед́ине Человеколю́бче.

Хвалите Его в кимва́лех доброгласных, хвалите Его в кимва́лех восклицáния. / Всякое дыха́ние да хва́лит Гóспода.

Ка́мение распада́шися, Спа́се, / егда́ на лóбнем Крест Твой водрузи́ся, / устраши́шися áдовы вратни́цы, / егда́ во грóбе я́ко мертв положён был еси: / и́бо смёртную упраздн́ивый крéпость, / умёршым всем нетлéние подал еси воскресéнием Твоим, Спа́се, // Жизнода́вче Гóсподи, сла́ва Тебé.

Стіхиры Триоди (самарянки), глас 3:

Наляцьі, и успевай, и царствуй истины ради, и кротости, и правды.

**Да радуется днесь светло небо и земля, / яко Христос явися
воплощаемь яко Человек, / да Адама измет от клятвы всеродна, / и
удивляется чудесы в Самарию пришед: / жены же беседоваше воды
прося, / Иже облаки водами одевай. / Темже вси вернии поклонимся, /
нас ради волею Обнищавшему, // благоутробным советом.**

Глас 6:

Возлюбил еси правду, и возненавидел еси беззаконие.

**Тако глаголет Господь самарянини: / аще бы еси ведала дар Божий, /
и Кто есть глаголяй тебе, даждь Ми воды пити, / ты бы просила у Него,
и дал бы ти пити, // да не вжаждешися во веки, глаголет Господь.**

Слава Отцу и Сыну и Святому Духу.

**Источник живоначалия Иисус Спас наш, / ко источнику пришед
патриарха Иакова, / пити прошаше воды от жены самарянини. / Сей же
неприобщительное иудеом прирешей, / мудрый Зиждитель приводит
ю, сладкими глаголы, / паче к прошению присносущныя воды, / юже и
приими всем проповеда рекущи: / приидите, видите сокровенных
видца и Бога, // пришедшаго плотию, за еже спасти человека.**

Глас 2:

И ныне и присно и во веки веков. Аминь.

**Преблагословенна еси, Богородице Дево, / Воплощшим бо ся из Тебе
ад пленися, / Адам возвася, / клятва потребися, / Ева свободися, /
смерть умертвися, и мы ожихом. / Тем воспевающе вопиём: /
благословен Христос Бог, // благоволивши тако, слава Тебе.**

Слава Тебе, показавшему нам свет.

ВЕЛИКОЕ СЛАВОСЛОВИЕ

Слава в вышних Богу, и на земли мир, в человецех благоволение. Хвалим
Тя, благословим Тя, кланяем Ти ся, славословим Тя, благодарим Тя великия
ради славы Твоея. Господи, Царю Небесный, Боже, Отче Вседержителю,
Господи Сыне Единородный, Иисусе Христе, и Святыи Душе. Господи Боже,
Агнче Божий, Сыне Отечь, вземляй грех мира, помилуй нас. Вземляй грехи
мира, приими молитву нашу. Седяи одесную Отца, помилуй нас. Яко Ты еси
Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхваляю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. **Трижды.**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Святый Боже, Святый Крепкий, Святый Безсмертный, помилуй нас. Трижды.

Слава Отцу и Сыну и Святому Духу, и ныне и присно и во веки веков. Аминь.

Святый Безсмертный, помилуй нас.

Святый Боже, Святый Крепкий, Святый Безсмертный, помилуй нас.

Тропарь воскресный:

Воскрес из гроба и узы растерзал еси ада,/ разрушил еси осуждение смерти, Господи,/ вся от сетей врага избавивый;/ явивый же Себе апостолом Твоим,/ послал еси я на проповедь,/ и теми мир Твой подал еси вселенней,// Еди́не Многомилостиве.

ЗАВЕРШЕНИЕ УТРЕНИ

Господи, помилуй. **40.**

Слава, и ныне:

Господи, помилуй. **12.**

Слава, и ныне:

Утверди, Боже, святую православную веру, православных христиан во век века.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Слава, и ныне: Господи, помилуй. **Трижды.** Благословй.

Отпуст

Воскресій из мёртвых, Христё, истинный Бóже наш, моли́твами Пречи́стыя Твоея́ Ма́тере, святы́х сла́вных и всехва́льных Апóстол, святы́х и пра́ведных богоотёц Иоакíма и А́нны, и всех святы́х, помíлуй и спасí нас, я́ко Благ и Человеколю́бец.

Христóс воскресе из мёртвых, смёртию смерть попра́в и сущим во гробéх живóт дарова́в. Трижды.

И нам дарова́ живóт вéчный, покланя́емся Егó триднёвному Воскресéнию.

Вели́каго господíна и отца́ на́шего Кири́лла, Святе́йшаго Патри́арха Моско́вскаго и всея́ Руси́, и господíна на́шего высокопреосвящённейшаго **и́мярек**, митрополíта [и́ли: архиепи́скопа; и́ли: преосвящённейшаго **и́мярек**, епи́скопа] [**его́же есть о́бласть**], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая léта.

Стихи́ра ева́нгельская седьма́я, глас 7:

Сла́ва, и ны́не:

Се тьма, и ра́но, и что у грóба, Мари́е, стои́ши,/ мно́гую тьму имéючи в ра́зуме,/ в не́йже, где положéн бысть вопроша́еши, Иису́с?/ Но виждь сри́щущая учени́кí,/ ка́ко плащани́цами и сударём воскресе́ние обрето́ша,/ и помяну́ша я́же о сих Писа́ния./ С ни́миже и и́миже и мы ве́ровавшие, // воспева́ем Тя жизнодо́вца Христá.

ПЕРВЫЙ ЧАС

Христóс воскресе из мёртвых, смёртию смерть попра́в и сущим во гробéх живóт дарова́в. Трижды.

Псалом 5

Глаго́лы моя́ внуши́, Го́споди, разумéй зва́ние моё. Вонми́ гла́су молéния моего́, Царю́ мой и Бóже мой, я́ко к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Я́ко Бог не хотя́й беззакóния, Ты еси́: не приселит́ся к Тебе́ лука́внуяй, ниже́ пребу́дут беззакóнницы пред очíма Твои́ма: возненави́дел еси́ вся де́лающыя беззакóние. Погуби́ши вся глаго́лющыя лжу: му́жа кровéй и льсти́ва гнуша́ется Госпо́дь. Аз же мно́жеством ми́лости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоем. Го́споди, наста́ви мя пра́вдою

Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не бити и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дни наши оскудеша, и гневом Твоим исчезохом, лета наша яко паучина поучахуся. Дни лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчезит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моего вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искреняго своего, сего изгонях: гордым оком, и несбытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моего. Во утрия избивах вся грешныя земли, еже потребити от града Господня вся делающыя беззаконие.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. Трижды.

Го́споди, поми́луй. Трижды.

Тропарь Воскресный, глас 4:

Свѣтлую Воскресѣнія проповедь/ от Ангела увѣдевша Господни ученицы/
и пра́деее осужде́ние отвѣргша,/ апо́столом хва́лящаяся глаго́лаху:/
испро́вержеся смерть,/ воскресе́ Христо́с Бог, // да́руй ми́рови ве́лию
ми́лость.

Сла́ва:

Тропарь Преполовения, глас 8:

Преполови́вшуся пра́зднику,/ жа́ждущую ду́шу мою́ благоче́стия напо́й
вода́ми,/ я́ко всем, Спа́се, возопи́л еси́:/ жа́ждай да гряде́т ко Мне и да пи́ет.//
Исто́чнице жи́зни на́шей, Христе́ Бо́же, сла́ва Тебе́.

И ны́не:

Богоро́дичен:

Что Ты нарече́м, о Благода́тная? Не́бо, я́ко возсия́ла еси́ Со́лнце
Пра́вды. Рай, я́ко прозябла́ еси́ цвет нетле́ния. Де́ву, я́ко пребыла́ еси́
нетле́нна. Чи́стую Ма́терь, я́ко имела́ еси́ на святы́х Твои́х объ́ятиях Сы́на,
всех Бо́га. Того́ моли́ спасты́ся душа́м на́шим.

Та́же:

Стопы́ моя́ напра́ви по словеси́ Твоему́ и да не облада́ет мно́ю всякое
беззаконе́е. Изба́ви мя от клеветы́ челове́ческа, и сохра́ню за́поведи Твоя́.
Лице́ Твое́ просвети́ на раба́ Твоего́ и на́учи мя оправда́нием Твои́м.

Да испо́лнятся уста́ моя́ хвалѣния Твоего́, Го́споди, я́ко да воспою́ сла́ву
Твою́, весь день великолѣ́пие Твое́.

Святы́й Бо́же, Святы́й Кре́пкий, Святы́й Безсме́ртный, поми́луй нас.
Трижды.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в.
Ами́нь.

Пресвята́я Трѣ́ице, поми́луй нас; Го́споди, очисти́ грехи́ на́ша; Влады́ко,
прости́ беззакония́ на́ша; Святы́й, посети́ и исцели́ немо́щи на́ша, и́мене
Твоего́ ра́ди.

Го́споди, поми́луй. Трижды. Сла́ва, и ны́не:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак Преполовления, глас 4:

Празднику законному преполовляющуся,/ всех Творче и Владыко,/ к предстоящим глагола еси, Христе Боже:/ приидите и почерпите воду бессмертия./ Темже Тебе припадаем и верно вопием:/ щедроты Твоя даруй нам, // Ты бо еси Источник жизни нашея.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас.

И молитву часа:

Христе, Свете Истинный, просвещающий и освящающий всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Кондак Пасхи, глас 8:

Аще и во гроб снишел еси, Безсмертне,/ но адову разрушил еси силу/ и воскресл еси, яко Победитель, Христе Боже,/ женам мирносицам вещавый: радуйтесь!/ И Твоим апостолом мир даруяй, // падшим подай воскресение.

Сла́ва, и ны́не:

Го́споди помѝлуй. Трижды.

Воскресѝй из ме́ртвых, Христе́, ѝстинный Бо́же наш, моли́твами Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х, помѝлуй и спасѝ нас, я́ко Благ и Человеколю́бец. Ами́нь.

КОНЕЦ И БОГУ СЛАВА.